

叙州府志

土官 官蹟

册六十第

76876

116

地2.90.1199

139

3-116



敘州府志卷二十九

官蹟附

本府

漢唐 蒙 武帝時上書言由牂牁下南越之策拜蒙為中郎將從笮關入布漢威德卒通棘道

陳 立 臨邛人成帝時為牂牁太守討平夜郎後棘夷叛復命立鎮之蠻夷畏服

朱 博 漢書本傳字子元杜陵人遷大司農坐法左遷犍為太守先是南蠻若兒數為寇盜博厚結其昆弟使為反間襲殺之郡中以清

敘州府志

卷二十九

官蹟

一

本府

文 齊 華陽國志為犍為屬國穿龍池溉稻田為民興利

蜀 鄧 方

三國志楊戲傳季漢輔臣贊贊鄧孔山曰

安遠強志允休允烈輕財果壯當難不惑以少禦多殊方保業陳壽注曰孔山名方南郡人以荊州從事隨先主入蜀蜀既定為犍為屬國都尉因易郡名為朱提太守選為安遠將軍庾降都督住南昌縣章武

二年卒通志

唐張九宗 德宗時戎州刺史以治化稱嘗撰花臺寺記並書字畫遒勁





宋宋太杓 澤州晉城人以太理寺評事通判戎州多善政降詔褒美遷贊善大夫 按通志作宋太初

呂開 知戎州嘗行免役法人奏稱旨

周湛 登州人通判戎州俗不知醫有病輒事巫禳湛取古方書刻石教之並禁爲巫者州人始知醫藥

邵隆 紹興中知商州值和議已定割商州爲外境隆不悅嘗遣兵盜馬以擾之秦檜恨隆遂改隆知敘州一日飲酒暴卒人皆謂秦檜使人酖之云

何師心 資中人孝宗時知敘州南蠻叛修戰守之敘州府志 卷二十九 宦蹟 二 本府 具置砦柵以保居民郡人德之

元張廷瑞 全州人爲敘州宣撫使立市茶法並屯田之制民甚便之

明桂芝 慈谿人洪武中知敘州府公廉自持興利除害卓有惠政

饒觀 饒州人永樂中知敘州府立法度修禮教吏民畏服

陸淵之 上虞人成化中知府葺學宮毀淫祠政教並舉士民懷德

丁潞 成化中知府嘗單騎服夷人鄰郡有張乙



者叔姪相訟不休璐以至誠開諭民遂感悟自息云  
李鑑 湘陰人景泰中知敘州誠心愛民不受請  
託事至剖決如流案無停牘

吳愈 崑山人進士成化中知府敘俗獷吏黠愈  
持以鎮定發摘如神慶符盜劫縣治捕得二十七人  
已誣服愈疑之詣縣辦審釋之果獲真盜土官安鰲  
以馬湖叛眾議用兵愈持不可曰鰲無遠謀彼中無  
水當重圍以困之已而棄城走愈慮其糾諸酋爲難  
抵其巢諭之眾解散土司宴然在敘九年以績最遷  
河南參政

敘州府志

卷二十九

宦蹟

三

本府

胡澧 三水人正德中知府興學校恤困窮置鋪  
舍平道塗其政績懋著

李文明 甘肅通志階州人正德中舉人授敘州同  
知政治清廉蜀民稱頌及歸宦橐蕭然通志

王尙用 安福人嘉靖間同知修職愛民上下信服  
歷任九年始終一致

余良翰 奉新人嘉靖末知府有惠政士民懷服常  
捐俸培修府治東南兩塔不以煩民

張邦敬 陝西通志字簡甫韓城人萬曆癸酉舉人  
升敘州知府敘荒裔文教殘缺邦敬爲刊四書五經



於學安奢土司叛亂大兵勦之邦敬理餉有功升安  
縣兵備副使

張向宸 雲南通志字斗南劍川人萬曆甲午舉人  
擢蜀敘州府推官在任四載十署府州縣事所至稱  
廉明土酋奢崇明積年逋賦累官向宸親往理論之  
未返署奢已盡輸納通志

趙遠 貴州舉人任通判署富順一僕自隨節省  
財力鼓舞生徒邑人爲立遺愛碑

陶濂 曲靖人進士嘉靖中任推官署富順奉法  
無私豪滑屏跡邑人德之

敘州府志

卷二十九

宦蹟

四

本府

趙儒 陝西華陰人嘉靖間知府平易近人寬嚴  
得體治獄無冤敷教善誘士民感悅

殷大白 北直雞澤人舊志未詳其官性廉介正直  
上司皆推重之值大旱蔬食步禱妻病思食肉大白  
曰我爲萬民請命而以此損之卒不可尋大雨

石雷 雲南通志保山人嘉靖丙午舉人性直諒  
尚氣節任敘州府通判通志

彭大同 江南通志海門人以歲貢爲敘州推官有  
孝廉殺人臬司推門望罰金三百鍰釋之大同怫然  
曰殺一人罰三百金將挾萬金而殺三十人乎竟擬



辟又民有修怨仇家乘父老病扶至河壩挑其仇歐之立斃訊者但論仇人死大同判曰欲甘心於仇因忍視其父河壩之死誰則致之并坐子如律

王民牧 甘肅通志安定人少登科任順德敘州二府判雅持冰操行李惟圖書而已 並通志

皇朝託隆 鑲黃旗滿州人乾隆十七年任敘州府政治民和於是增築城垣重建大觀樓皆事集而民不擾宋鳴琦 字梅生江西奉新進士嘉慶五年權知敘州府郵民愛士嘗改建翠屏書院以勸學崇師復捐資助膏火士林咸沐其惠

敘州府志

卷二十九

宦蹟

五

本府

張日景 字曉瞻貴州貴筑進士道光九年由翰林出守敘州勤政愛民尤喜培植土類每閱課卷必詳加評隲親爲解說時郡中登科第者率皆出其門下又嘗捐千金創建勵節堂並募貲置產以贍苦節郡人爲長生位祀之至今貧賤猶沾感無旣

謝興曉 湖南湘鄉進士道光十四年知敘州府多惠政十七年馬邊夷匪滋事興曉會總兵張必祿會勦親入涼山夷巢邊氛遂靖

王思道 陝西蒲城人道光二十六年署知府勤庶務精聽斷日坐堂皇摘發如神郡人頌之嘗於城上



建文筆塔以培一郡風水又於安邊山頂建塔以厭  
火災皆有驗

李 祐 正白旗漢軍進士咸豐六年任敘州府時蜀  
中尙安堵祐蒞任卽飭辦團練鑄銅礮數十招練丁  
百餘名時時訓練爲城守計並募存團底錢萬餘緡  
交紳董管理當時或謂其多擾迄九年滇匪圍郡悉  
資以守危城不陷皆由籌畫預周也

孫 濂 字霽帆貴筑進士由知縣游陞州府夙著循  
聲同治元年守敘州時石逆犯敘南警報日至楚軍  
至郡者以待餉不發濂權提富順鹽課以資兵餉急

敘州府志

卷二十九

宦蹟

六

本府

促楚軍往剿措置裕如閭閻遂獲安堵

朱 潮 字海門浙江會稽進士居諫垣有直聲比出  
守敘州賞善鋤奸會匪爲之斂迹每課士必捐廉加  
獎又嘗於養濟院增孤貧額一百餘名郡民咸稱頌  
之

宜 成 鑲白旗滿州舉人由吏部郎出守敘州居官  
清正遇事務持大體嘗以康熙丙寅志太略疆域復  
與今異乃設局創修郡乘甫數月遽以疾卒身後蕭  
條郡人哀之

史崧秀 字琴生江蘇溧陽進士同治十三年任知



府廉靜不擾樂培士類嘗創設樂善醫館以濟貧民

悉蒙其惠並新採

以上政績

晉李 釗 南彝校尉李毅之子有勇略為本郡太守  
數敗李雄軍殺其大將樂初

梁先 鐵 李吉甫元和郡縣志戎州卽夔道縣李雄  
竊據此地空廢梁大同十年使先鐵討定夷獠乃立  
戎州卽以鐵為刺史遂不改

唐韋 皋 德宗時為戎州都督蠻獠畏服立碑以誓  
之郡人繪像廟祀焉

敘州府志

卷二十九

宦蹟

七

本府

宋柳光熙 乾德間為南夷巡檢使號令明肅恩威並  
舉十州五團二十九縣之夷悉向慕之

熊 本 宋史本傳番陽人熙甯中通判戎州習其  
俗知夷人擾邊者介十二村豪為鄉導後羅曼夷叛  
詔本察訪梓夔得便宜行事於是以計致百餘人梟  
之瀘州其徒股栗願矢死自贖獨柯陰一首不至本  
率軍進討柯陰乞降盡籍丁口土田及重寶善馬歸  
之公上受貢職於是烏蠻羅氏鬼主諸夷皆從風而  
靡願世為漢官奴渝州南川獠木斗叛詔本安撫本  
進營銅佛壩擣其穴焚積聚以破其黨木斗氣索舉



溱州地五百里來歸爲四砦九堡建銅佛壩南平軍  
初熟獠王仁貴以木斗親繫獄本釋其縛置麾下至  
是摧鋒先登大臣議加本天章閣待制帝曰本之文  
朕所自知當典書命遂知制誥通志

薛九齡 舊通志知戎州時吳曦叛於蜀九齡鳩財  
治兵卒討平之時頌其功

史 候 宋史理宗本紀寶祐四年知敘州調舟師  
與元兵戰凡十三合詔官三轉通志

明陳大壯 江南通志字思直通州人嘉靖壬戌進士  
以刑部郎出知敘州府督餉勦九絲蠻時積雨山險

敘州府志

卷二十九

宦蹟

八

本府

不能進會九日大壯偵知蠻俗重賽會乘夜進兵懸  
緡而上殺獲無算拓地五百餘里晉山東參政乞歸  
養

盛 景 明史倪敬傳吳江人雋爽負氣嘗按廣東  
劾巡撫侍郎揭稽不職稽坐左遷景後爲羅江知縣  
擢敘州知府竝有禦寇功

趙隆美 江南通志常熟人字文度以父用賢蔭歷  
敘州知府天啟初擊退叛酋奢崇明兵並通志

徐久德 江西人天啟間知府時奢酋判人情惶惶  
賊使卒索印久德斬之捐金募壯士守城民賴以安



尋陞兵備副使

皇朝顏 敷 順天宛平縣舉人康熙十六年任知府值  
滇寇犯境守城有功又多惠政卒於官士民請祀名

宦祠

以上武略

東楊 術 晉書成帝紀咸和二年春正月甯州秀才龐  
遺起義兵攻李雄將任回李謙等雄遣其將羅恒費  
黑等救之甯州刺史尹奉遣裨將姚岳朱提太守楊  
術援遣戰於臺登岳等敗績術死之

宋王 宣 宋史神宗本紀元豐三年乞第寇戎州兵

敘州府志 卷二十九

宦蹟

九

本府

官王宣戰歿

康 訓 宋史西南諸夷傳六年九月詔王懷信為  
嘉眉戎瀘等州水陸都巡檢使閤門祇候康訓為都  
同巡檢使十一月懷信康訓分領緣溪入合灘至生  
南界斗滿村進壁娑婆至斗行村連破夷砦及兩路  
兵會於涇灘置砦遣康訓部壕砦卒修涇灘路俄為  
夷賊所邀戰不利訓顛於崖死之

楊大全 宋史理宗本紀純祐二年十二月元兵連  
攻敘州帳前都統楊大全等水陸並進自卯至午戰  
十數合歿於行伍詔贈武節大夫眉州防禦使官其



二子承節郎

明熊嗣先 湖北通志字懷慎麻城人萬曆舉人官敘

州府同知以督兵死於奢崇明之難事聞贈廕並通志

皇朝周基昌 陝西城固人順治初從大兵至安延招撫

諸若有功授敘州府知府賊黨劉文秀自滇窺蜀城

陷不屈死通志

以上忠節

宜賓縣

宋張齊賢 嘉祐間以尚書員外郎知縣事有德政碑

立治西十五里道旁祀名宦祠

敘州府志 卷二十九

宦蹟

十

宜賓

明張雲鵬 大理人嘉靖初以部郎左遷宜賓令為人

寬厚民心愛戴歷敘瀘兵備今祀名宦祠

嚴清 雲南府人嘉靖間進士明敏善斷節省財

役屬歲歛設策賑濟民賴以安去時行李蕭然唯圖

書數篋而已祀名宦祠

李盛麟 景泰中知宜賓愷悌慈祥愛民如子歷任

九年百廢俱修時稱為賢令今祀名宦祠

邵炯 北直舉人萬曆間知宜賓值歲旱民饑多

死炯設策散米給粥活者以萬計有生祠肖像祀之

今祀名宦祠



仲進 浙江人成化間進士任宜賓縣令愛民好  
士親課耕桑自爲講學人有訟者輒以理論之訟者  
自解年六十致仕歸士民攀轅涕泣千百人

皇朝焦 湘 河南貢生康熙四十年知宜賓縣時學宮傾  
圯止存正殿數楹甲申春捐募重建製秘閣以奠神  
像屬邑紳樊澤達彭惠吉等董率之規模宏壯學校  
賴以振興

初元方 山東萊陽進士乾隆二十八年以才能擢  
調宜賓時奉檄修城與郡守託隆謀經營策擇邑生  
老成者董率之八閱月而工竣高於舊者三尺修補  
崩缺者凡八十一處費四千金有奇民樂供輸趨事  
者悉忘其勞

敘州府志

卷二十九

宦蹟

士

宜賓

李宜相 廣東信宜進士乾隆三十八年知宜賓縣  
創設普濟堂以養孤貧又創修仰化樓於治東勤政  
惠民卓有聲譽

劉元熙 字緝生江西崇仁舉人嘉慶十六年知宜  
賓縣時大府檄各州縣採訪修志以備纂通志之用  
因創修縣志四閱月而書成又建修學院行署規模  
濶大士之試於院者咸頌之

陸成本 浙江蕭山人嘉慶間任縣令創建養濟院



育嬰堂棲流所及文昌宮壽昌寺各祠廟又設小學四十所以教貧民子弟其餘惠政多不勝紀祀名宦

祠新  
增

王金綬 字伯霞貴州平越州人嘉慶癸酉舉人咸豐六年調任宜賓下車之始和輯士民興利除弊知無不為聽斷以情事洽而民不擾旋量移解任九年回任滇匪猶擾白花場一帶撫循瘡夷解散協從民賴以安後陞京秩去節遺  
愛碑

葉朝采 字小舟浙江錢塘進士道光二十四年任宜賓縣聽斷明決譽著廉能遷邛州直隸州去

敘州府志

卷二十九

宦蹟

三

宜賓

朱琦 字雲岑順天宛平進士道光中任宜賓縣郵民教士勤惠並著時郡守張日昫創建勵節堂琦捐廉五百金為助又捐千金助書院膏火邑人為長生位祀之

楊炳銓 字春樵雲南鄧川進士咸豐三年署宜賓縣勤於任事嘗創辦團防制軍械鑄大礮以備城守及滇逆圍郡防守多資其具

鄧友仁 字達卿湖南武岡貢生成豐十一年署知縣時髮逆擾亂友仁添修治南護城及水城為衛又添設軍械籌餉費擘畫勤勞事無不舉



林嘉澍 字崧雲湖南安福舉人同治三年署知縣時軍事初平與民休息尤能以文學飭吏治每課士必諄諄講說如藝師之誨弟子士民稱之

潘先珍 字席卿江西星子解元同治九年知宜賓縣守已清廉勤於撫字每教民儉約而自以布衣蔬食先之壬申歲旱平糶縣境五十六場皆令募捐舉辦先捐廉大場二十兩小場十兩為之倡全活無算採訪貞孝節烈千八十名捐廉請旌建總坊建祠於城東復捐春秋祭需挂冠歸邑人謳思不已

沈棫 字鏡湖浙江歸安人同治十二年署知縣創建敷文書院增膏火以招徠立類時郡守宜成創修郡志棫亦勤於勦辦

于騰 字蜚卿山東進士光緒中任宜賓縣創辦三費民沾其惠值歲旱捐廉施粥後卒於任並新採

以上政績

明應瑞秩 杭州舉人崇禎甲申知宜賓縣流寇破郡瑞秩抗節走烏蒙集眾起義兵適官軍恢復瑞秩以眾赴之起陞郡守後以病卒

右武略

明艾吾鼎 明史忠義王勵精傳興文知縣漢川艾吾



鼎合家被難殉節諸臣錄與文知縣艾吾鼎漢川人  
崇禎十一年署宜賓事獻賊陷城閣門被難乾隆四  
十一年

賜諡烈愍

通志

皇朝王國棟 永甯人由行伍補敘馬營額額外委於同  
治元年十月在縣所屬之涼風坳打仗陣亡

馬天貴 成都人懋功營副將滇匪圍城帶兵由大  
麥壩攻打吊黃樓所至披靡深入賊巢因援兵不至  
力竭遇害

樊包 字心甫名山舉人滇匪入川捐貲募勇堵

敘州府志 卷二十九

宦蹟

西

宜賓

勦以功加同知銜奉檄勦李逆於宜賓之八角寨直  
搗賊巢被圍遇害士卒殉者數十人俱伏護包屍以  
死事聞贈某官

勅建專祠於名山祀焉

唐成功 城守營千總在吊黃樓陣亡

趙三元 駐防千總在教場壩陣亡

杭在田 敘馬營外委咸豐十年在貢井陣亡

王國樑 敘馬營額外同治元年在宜邑涼風坳陣

亡

並新採

以上忠節



慶符縣

明周璧 湖廣拔貢成化十年任縣令革陋習正儒風邑多游民不知務本出郊勸農不憚勞瘁遂改積習崇祀名宦其後邑人合吳國玉李嘉會立三公祠祀之

吳國玉 湖廣人嘉靖四十三年任縣令爲政寬厚民心愛戴祀三公祠

李嘉會 雲南祿豐人萬曆十七年任縣令愷悌慈祥愛民如子時稱爲賢令祀三公祠

葛楚士 湖廣施州衛拔貢萬曆三十五年任縣令

敘州府志

卷二十九

宦蹟

五

慶符

愛民好士親課農桑自爲勸學明敏善斷邑人合宋公進儒附入祀三公祠易名五公遺愛祠

宋進儒 陝西蘭州人萬曆四十年任縣令寬猛得體治獄無冤人有訟者輒以理論之訟者自解鼓舞生徒邑人因祀五公遺愛祠

殷逢世 陝西歲貢崇禎五年任縣令勤能素著剛介自持重建文廟捐俸以爲士民倡

羅鳳 字文祥湖廣巴陵人任教諭頗有氣節師範端嚴一時名人如楊一清蔣冕周敘等皆出其門下萬曆間何汝成按部至縣立廟祀之張景賢有記



皇朝陳沂震 江南進士康熙二十年任縣令 文廟僅存基址春秋祭設木主覆以篾席公傷儉陋捐俸增修廟貌爲之一新

丁林聲 直隸通州舉人康熙二十一年任縣令居民鮮聚設法招徠給牛隻教籽種勸士讀書人皆感德

張心至 字慕川山西沁水進士乾隆庚子年任縣令繼前令瑞創建西江書院嚴以課士文風丕變聽獄明敏奸宄斂跡陞刑部四川司卸事時士民攀轅涕泣千餘人

敘州府志

卷二十九

宦蹟

夫

慶符

時畏天 字鳳岡雲南趙州舉人乾隆五十四年任縣令慈祥善化教養殷勤重修 文廟創建先農壇凡有利民生者次第舉行解組泣別士民猶諄諄勸戒至今輿情頌祝不休

李大經 字敘亭廣東嘉應州舉人嘉慶十二年署縣令增置南廣義莊收埋浮屍自捐銀五百兩爲士民倡至今浮屍漂亡者得斂葬焉

楊佩芝 貴州舉人嘉慶二十一年任縣令好士愛民留心學校整頓書院酌定章程頗費苦心改建縣東門又改大成殿向玉屏山科第賴以繼起



熊燦奎 貴州人庚子進士道光二十四年任縣令  
清廉公恕嚴於懲奸尤喜培植學校書院章程年久  
廢壞清釐一切士人德之

華翔亭 江蘇吳縣進士道光二十七年任縣令刑  
輕政簡慈惠愛民時隣邑多匪徒乘夜塗面搶劫捐  
廉募勇防守民咸安堵

左元煥 安徽桐城進士道光三十年任縣令清廉  
儉約與民相安課士最嚴縣南廣創設救生船邑人  
士為立甘棠遺愛碑

李忠清 浙江人咸豐九年任縣令練團禦賊創修  
敘州府志 卷二十九 宦蹟 七 慶符

城垣民咸德之縣東門外建有德政坊并各場立有  
德政碑

陳我聖 貴州綏陽拔貢康熙二十年任教諭與邑  
令陳沂震約邑進士李華松等捐俸募資增修 文  
廟凡庀材鳩工不辭勞瘁人稱善焉

陳瓚 字玉峯新津拔貢選邑教諭善書法振興  
學校生徒日進訓迪士子多所成就著有四書講義  
以上政績

皇朝沈 彪 浙江進士順治十八年任縣令適橫江四  
屯夷人陳奎等作亂賊黨分犯慶符固圍勦賊挺身



禦之力屈被劫會永甯總兵高宗等領兵赴援得免  
害復破賊南廣收復敘城

右武略

皇朝武來雨 字聽濤戊午來宰慶邑明年滇匪窺伺川  
疆公集團民募壯士拒賊於筠屬要隘屢請兵不至  
勢危乃集紳耆告曰吾將死以報國此地無兵無城  
民有願避者聽並遺書諭賊無傷百姓率其妾張氏  
死之留葬邑中遺命題其墓曰清殉難知縣武聽濤  
之墓聯曰自服古以入官半生坎坷終捐軀而報國  
千古光昭

敘州府志

卷二十九

職官宦蹟附

六

慶符

馬全忠 任汛防千總壬戌五月髮逆入境帶兵禦  
賊於長甯力戰陣亡

蘇寶林 任典史庚申正月夷匪出巢禦於筠境戰  
歿

以上忠節

富順縣

漢姜 詩 字士游廣漢雒縣人與妻盡孝永明中拜  
郎中除江陽令民感其惠爲立祠事見後漢書

漢<sup>蜀</sup>張 翼 字伯恭犍爲武陽人太守綱之曾孫昭烈  
時舉孝廉爲江陽長盡心國事公而忘私以劉胄叛



逆徵還羣下請馳驅卽罪翼作色曰豈可以黜退之  
故廢公家之務乎遂統攝舊職兼積糧爲滅賊計代  
者卒因其成破冑姜維伐魏翼每勸其保國不宜黷  
武累官左車騎將軍領冀州刺史以上縣令  
宋周延備 仁宗景祐間以太常博士知富順監文學  
豐贍爲治有聲時比之河陽潘令云

南程 驥 邑人高宗紹興中進士知監事鳴琴而治  
有宓子賤風嘗自吟以見志曰俗似華胥與拙宜居  
官猶是在家時出從州縣供租役歸遣湖山作住持  
吏散庭空無一事雲來雨過只催詩

敘州府志

卷二十九

宦蹟

九

富順

李深甫 河南人乾道中任時值大旱深甫祈禱有  
應民咸頌之

楊泰之 眉州青神人立朝敢言擢知富順監漚政  
有聲去官後以祿廩數千緡予鄰里千緡爲義莊時  
論評以爲有范文正風

楊 騫 眉州人下車後留心民瘼時以仙茅病民  
白制帥特爲蠲除至今邑無仙茅擾者公之賜也  
王純仁 眉州人居官以儒雅飭吏事登臨賦咏石  
刻多存

黃 裳 字唐卿資中人以勤政聞



虞夷簡 仁壽人丞相允文孫知富順監以崇化善俗爲務禁科斂恤貧糶儲藥石立義莊魏了翁稱其能盡心民事

趙希益 金華人理宗寶慶中任監學教授修學校以崇風教儲米穀以待凶荒并竈鹽弊一切革除又置養濟院捐造民房掩埋遺骸凡所澤民未易指數聽訟如神得其情尤不忍置於法居官遇僚以情接士以禮淡泊甯靜悠然山水之間去之日士民繪像以祀

郭知遠 知監事舊以鹽移贍遂甯生徒歲爲鏹八  
敘州府志 卷二十九 宦蹟 三 富順  
十萬緡知遠以公養不豐請於漕臺俾歸之監學民甚便之

家 炎 字季文度宋咸純中知富順監吳曦叛力拒僞檄不屈魏了翁稱之及卒爲作誌以紀其詳以

知監 元任顯忠 凌雲人武宗至大四年以武略將軍任有能名士民交相推許

彭宗漸 塗陽人開國勳臣忠愍公之嫡孫順帝至元三年任布化宣猷殊多建立時有象賢之譽

蒲善繼 順帝至正十一年任留心學校士民頌之



州知

李拜要元歹 奉元人泰定四年任以洗冤澤物為

心判  
官

明鍾 鉉 字公鼎洪武六年任立縣之初萬事草創

鉉早作夜思陳立綱紀自宗廟壇墀下至市廛民居  
靡不規畫周至邑中政教自鉉始

崔 藝 字幼通萊陽人洪武末年任為政寬猛兼  
施德威並著吏民懷畏焉時公廨遭暴雨浸溢藝徙  
之故地邑稱其度地之善

舒有常 字大經江西靖安人永樂中任生平簡靜  
有謀愛民重土時採辦大木民力罷勞有常率作之  
餘備極軫惜一時之民忘其勞而事亦濟

吳 善 直隸貴池人宣德間由眉州判官陞任縣  
時盜寇蜂起善嚴法捕治境賴以甯辛亥夏大旱竭  
誠祈禱與童耆跣足詣祠廟叩拜未及旬日雨大沛  
是歲竟臻豐稔邑人呼為善霖焉

李 真 字子誠陝西咸甯人正統八年癸亥由抽  
分大使薦知縣事居官勤慎恩威並用嘗奏設巡檢  
弭盜安民並奏除本府稅外軍需革汰邊糧及部運  
諸弊修葺文廟及兩廡諸楹丁卯重修治署後廳戶



部主事汪回顯撰碑記

孫 璠 直隸無錫人天順元年由進士任居官有才力膽智凡有德怨於人務為分明平其報復又重修大成殿及兩廡戟門櫺星門明倫堂會饌廳有記

李 嵩 山東德州人成化六年由舉人任留心學校作養人才八年壬辰修葺學宮泮池有記

李廷聰 湖廣長沙人成化中由舉人任理煩治劇游刃有餘籌畫無不周到故其時事集而人懾

梁 文 字光輔龍泉人成化末由進士任本文章叙州府志 卷二十九 宦蹟 富順

為政事維時士沐薰陶民邀撫字重修明倫堂規模尤極宏偉

鄧 昌 湖南通志善化人由舉人知富順縣清賦賑災加意興學多惠政升劍州守致仕歸志通

李 端 字表正湖廣棗陽人由進士官御史宏治中謫任居官清介自守有行端表正之譽歷官至僉事

周 熊 字應文陝西長安人宏治中由進士任渾厚寬平視民如子於高年孤寡尤極保愛嘗集諸生講論經義多所闡發又教農夫造作水車木牛以便



耕斂及去任父老兒童擁轅垂泣後入遷御史巡按雲南塗經富境闔邑奔迎歡聲滿街巷其得民心如此

謝 諮 字堯臣湖廣耒陽人宏治中由進士歷知縣知州以忤權貴謫重慶衛丞委署性洒落廉介夫馬支給概行裁抑嘗言爲政之道興利不如除害邑有好豪不法者以重法治之故人憚而悅服之尋代至陞衢州府通判

張文錦 陝西河州人正德三年任爲政寬緩不以才能自擅尋調資州并研去後嘗令人思

敘州府志

卷二十九

宦蹟

三

富順

童 綸 字廷言湖廣孝感人正德六年由進士任性端嚴言動不苟勞心撫字而尤加意窮民倉儲之蓄務令有餘以備旱澇時羣盜蝟聚四境騷然綸下車卽以完繕雉堞爲首務事竣盜息居民安堵又重修譙樓僉事蔣信建昭勛坊於署前以表之

尹孔常 字良臣江西安福人正德九年由教諭陞任善於記覽諸子百家悉能通曉而尤精於春秋催科撫字之餘經生中有以疑難請決者皆能講論明析後以事調縣州德陽

周 夔 字公遜嘉魚人辛巳進士嘉靖二年癸未



任加意民事於學校尤所關心建立社學凡六處西  
湖書院其一也復重建明倫堂濬治泮池又重修治  
署左右六房抱厦嘉靖四年鄰邑曾與作泮池頌以  
美之

陳常道 字子中雲南呈貢人嘉靖八年以進士任  
諸練吏事時遇荒歉捐俸賑濟復逢癘疫施藥救療  
民賴以存活者甚眾陞任之日老幼攀轅爲立去思  
碑

楊登 字子先咸甯人嘉靖十二年涖任性渾厚  
無械心居上臨下恂恂如也創建二堂以憂去後陞

比部主事

萬文彩 字國華雲南臨安人嘉靖十九年由進士  
任案無滯牘民鮮遁情嘉靖二十年審編戶籍宿弊  
一清時有神君之號旋補任廣平陞南戶科給事中  
趙汝謙 雲南通海人嘉靖二十二年由舉人任持  
守清介一毫無輕改謂夫馬裁冗費里閤咸相歌祝  
尋以調去任

嚴清 字直卿雲南府人嘉靖二十四年由進士  
任妙年初試斷獄無殊老吏兼能清介自守邑供冗  
費皆節省自奉尤淡泊憂去時行李蕭然惟書籍數



篋而已重修鄉賢名宦二祠有記歷遷吏部尚書  
曾省吾 字以三湖廣承天人嘉靖三十六年由進  
士任性高明措履不踰閑檢時以茂齡涖繁邑諳練  
如老成杜胥吏之弊均夫馬之差尤作養人才歲捐  
俸以資諸生膏火所貯贖穀舉給邑之孤貧者值殿  
材採辦當事者下出夫入山之令他縣因之傷死者  
甚眾省吾獨力持抗論徵銀募夫以全民命嘉靖已  
未建撰儒學題名碑記官至工部尚書

劉一孚 山東益都人嘉靖三十九年由進士任渾  
厚精明與民休息而豪民猾吏無敢逞奸歷遷工部  
敘州府志 卷二十九 宦蹟 富順  
叅議

陳謨 字子明號正菴湖廣麻城人嘉慶四十一  
年以進士任性量淵深文章蘊藉養民教士兼舉有  
方而材武亦復沉毅時妖賊蔡伯貫作亂黨與盈邑  
互相聲援謨召集義勇朝夕訓練遂斬妖黨城賴以  
完

趙遠 字元靜貴州永甯人嘉靖甲申由舉人任  
本府判署縣攜一僕赴官甘清苦人莫能及諄諄以  
善導民一切弊竇塞闕殆盡遇事叢集迎刃即解而  
振學校禮賢才尤得人心恥於承謁故坎坷仕路陞



府同知去之日邑人鑄石以誌遺愛

陶廉 字敬甫雲南曲靖人嘉靖己亥由進士刑部主事添駐本府署縣老成練達邑有數盜出入勢家賄賂夤緣累犯累脫流毒地方廉計獲之繫死於獄境內肅清邑人戴德

王廷冕 貴州人嘉靖四十一年由眉州訓導署縣事公明廉潔胥吏積弊一切革除案無留牘民無抑冤去日都人悼惜之

邱齊雲 字汝謙湖廣麻城人嘉靖四十五年以進士任豁達明敏諳於吏治虞詡利器時稱再見公餘與諸生會講多所闡發併工吟咏在邑著有墨花齋及西湖詩稿官至中憲大夫

敘州府志

卷二十九

宦蹟

三

富順

劉方 字元和湖廣麻城人隆慶四年由舉人任氣宇冲和政事諳練嘗審編冊籍清查飛糧隱匿諸弊又修城築隄尤爲一方保障凡所設施均關治體其時本府欲加富邑徭役撥赴九縣應差當道已允方條陳糧重地狹土瘠民貧不應以一縣之民應九縣之役抗議力爭卒寢其議尋遷鎮江同知

查偉 雲南鶴慶人隆慶六年由進士任涖官剛正慈惠持已馭民皆有規制所議鹽法悉准先哲裴



公管權條例至夫馬支給概行節省終不忍以供一已者妨百姓也陞南直隸鳳陽府同知尋遷眞定府知府

秦可貞 字含章陝西咸甯人萬曆五年由進士任治劇理煩釐奸剔弊案無留牘尤敦崇學校一時被甄陶者多偉才都人士實嘉賴之

李發 陝西涇州人萬曆九年以成都府判署縣事度量淵深才能敏捷理煩治劇游又有餘民間疾苦尤所關心故供輸賦稅恆加意調停不七月以憂去邑中追思尚書李長春撰去思碑記

敘州府志

卷二十九

宦蹟

三

富順

但貴元 字仁甫江西星子人萬曆十年由進士任每蒞事必以身先且淡泊自持卽居常服御亦必節省裁抑陞南京車駕清吏司主事撰題名碑記

張濤 字原裕湖廣黃陂人萬曆十四年由進士任令邑六載以實心行政治行高等召入官工科給事中祠祀北門外事詳生祠碑記

董 歷 字子衡湖廣景陵人萬曆二十三年由進士任性謙冲褻躬謹慎若不勝衣然洞悉利弊勇決有爲其釐定鹽政戢弭盜賊均有古良吏風一時民風士習多所裨益未幾憂去邑人咸惋惜之



袁汝萃 字綠厓湖廣石首人萬曆三十年由進士任爲治寬嚴得體操縱有方聽訟判決如流又復敦崇學校一時人士均受陶鑄古循良之遺也

黃大壯 字豪陽湖廣興國人萬曆三十五年由舉人任恭肅寬平淡泊自甘性尤敏決聽斷之餘清射影之源剔奸猾之隱使豪民狡吏無所逞其謀尋以艱去

徐騰芳 字雲卿江西宣城人萬曆四十年以進士由新津調任才識精明法度振舉城狐社鼠輩驅逐無遺羣奸莫不股栗陞授九江府同知

敘州府志

卷二十九

宦蹟

三

富順

孫杰 浙江錢塘人萬曆四十四年由進士任潔已愛人邑稱父母且襟懷洒落不染宦情簿書餘間吟咏自適常遊翠屏山題額聯石壁隸書甚工騷人墨士往往珍之尋內陞主事

楊啟昌 雲南人崇禎四年由舉人任克循厥職綽有循聲去之日民祀之

貢其志 字以達湖廣江夏人崇禎十年由屏山調任富順視事卽以修葺學宮自任由 文廟兩廡以及明倫堂文昌閣名宦祠奎樓射圃鯉門泮池等皆區畫從新又以明倫堂西偏爲應龍飛昇之奧菴池



衛以石闌以時講論經術清減賦稅邑人常誦思焉  
邑翰林司業陳盟撰記

朱議漚 號大匡江西南昌人崇禎十二年任甫經

寒暑澤遍閭閻邑進士刑科給事中錢夢皋等撰立

德政碑記以上知縣

趙 達 字兼善陝西鄠縣人正統中任質實無偽

佐理惟勤人多愛戴開運道於邊都御史寇公深知

其為人愿慤遂逾格相待以其完輯之功居首云

程 珏 陝西通志字兩玉朝邑人宏治時貢生為

富順丞下車捕巨猾大奸縣人悅服有戴氏子殺三

敘州府志

卷二十九

宦蹟

三

富順

人獄久不具珏一訊而抵罪以母憂歸通志

彭 杰 陝西寶雞人性嚴明人憚畏之嘗主縣鄉

飲上下肅然終席無失儀者尋陞知縣

侯 秩 字季常直隸長垣人嘉靖丁亥由御史言

首相楊一清懷術多險不宜柄用謫富順剛正威嚴

見者生敬增修書院延集生徒春秋講肄科第由茲

日盛

沈鳴登 湖廣臨湘人萬曆三十年由選貢任嚴明

莊肅簡樸清廉剔弊釐奸吏民懾服以上縣丞

丁翁歸 江西人洪武末年任洪武十年知縣鍾鉉



遷縣治於北遭水衝激翁歸奏復舊治神龜山時與知縣崔藝同遷邑並稱之

蘇綬 字榮貴雲南太和人景泰初任性恭肅治尚寬平嘗督餉於貴播州民甚愛之無逋負者時以爲仇覽再見云

李太清 昆明人正統中任能辨死獄善政治民天順四年庚辰大旱太清設壇虔禱雨調邑之升澤廟忽有神物現形頃刻雨降太清以未嘗霑足復竭誠祈求遂致大雨歲豐收教諭周齊已撰文立碑升澤廟布政甘敬修作序立碑鍾秀山紀其事

敘州府志

卷二十九

宦蹟

三

富順

王相 嵩明人剛方清介任未久乞歸御史戴公金甚嘉之

馬聰 陝西人嘉靖十五年任性純樸身任勤勞政務就理

秦從師 陝西三原人器宇軒爽有才能任未久卒於官邑人惜之

楊體元 陝西澄城人忠厚古樸在任卒聞者無不傷悼

張俱 陝西人居官清介任滿宦橐空虛邑人感其德爲醵費助歸

以上主簿



鮑應 字與幾江西樂平人洪武末年任教諭以師道自居勤於訓課為人謙謹生平恥言人過有犯於已者不形於色人皆服其量云

丁士能 武功人由舉人任持身正大兼能作人

舒清 江西人正德末由監生以訓導陞任性樸誠及告休人皆眷思不忍別

陳大禮 成都人嘉靖十六年以選任性瀟灑意象冲和工於吟咏於士習多所裨益

陳松 字茂卿貴州宣尉司人嘉靖二十六年由舉人任周慎詳密崇大體待諸生彬彬有禮多愛敬

敘州府志

卷二十九

宦蹟

三

富順

之陞夾江知縣

張道 雲南平夷人嘉靖三十五年任容止清粹任未久決意歸休提學洪公批留不能挽遂卸任去

韓彥清 雲南曲靖人純雅和易士人樂親之

盧整 貴州人舉人模範士林一以身教學制規條尤爲嚴肅嘗典文雲南尋陞國子監助教

張希賢

雲南昆明舉人明敏豁達邑稱得人

以上教諭

楊璽 趙州人宏治初由舉人任踐職廣文夙歸

譽望司鐸中翹楚

朱道 浙江山陰人正德中由舉人任嘉靖十八



年叅議孫應奎按部訪求遺德命司教陳大禮楊建魁以禮屬記刻石立學宮

李朝陽 雲南人正德中任為人敦樸不假修飾後陞壁山教諭

汪子俊 黃崖人嘉靖九年任崇尙古處一洗浮靡之習士矜式之卒於官

張文顯 貴州石阡人嘉靖四十一年任樸實慈祥立教寬緩士林敬愛之

李效曾 雲南昆陽人隆慶三年任愛士如子弟居官六載不攜家屬有德行善自韜晦縣令劉公方訪

敘州府志

卷二十九

宦蹟

三

富順

之出口眼前有聖賢人自不識陞教授以上訓導

萬孔才 江西南昌人正統初任厚重有儀矩御眾以寬嘗督賦境內營建諸役數疲民力人皆悅之忘其勞苦知縣李公真薦於朝未報以憂去

周文郁 字德章石首人正統九年任謹慎寬和待人以恩有襄贊之力以上典史

國朝金肖孫 字瑞枝北直清豐人丙戌舉人康熙六年任為政平允民心悅服重修縣治規模俱稱康熙十年卒於任

錢紹隆 字仲扶浙江海鹽人康熙癸丑進士十九



年任時戎馬倥偬紹隆勞心保障安戢殘黎掩遺骸

周貧乏建修 大成殿明倫堂規制俱偉康熙二十

五年補授刑科給事中入名宦

詳請禁兵害文 十一月十一日捧接憲臺發來告示

之形悍兵毒害之狀咸洞鑒於清衷職不禁踴躍歡  
示谿谷俾山澤之民咸喻憲臺撫綏痾瘵至意民遂  
轉相告語如去湯火而登衽席非憲臺實有是真實  
憂民之心何能使載道歡呼感激之情如此其切也  
然未盡之形難言之狀職幾欲上聞緣軍需孔迫未  
及具詳今請得為憲臺備陳之職自閏八月十五日  
赴任路無行人道惟荆棘空城不閉爨火無煙里甲  
胥役俱潛逃不知去向職隨出示招撫無如一路逃  
兵來牽宰耕牛攫取雞豕稻米豆穀悉皆拋撒捉夫  
背負鞭打交加即至極幽極深之地無處不到如相  
近內江一路為白土坪京家溝林角塘王家冲地方

敘州府志

卷二十九

宦蹟

富順

富順

兵丁經過沿村擾害人民盡逃近瀘州一路為長灘  
壩懷德鎮兵丁駕船搶掠有母子三人被趕投河而  
死者有父被兵丁苦打幼子往救俱被傷而死者有  
追趕古老溪邊溺水而死者有年老者抱疾登山涉險  
兵追墜崖而死有死者有逼取財物打拷掠而死火燔  
而死者青竹扁地名有背糧往解敘府為回兵所捉  
二人墜水而死者因此一路之人望見此輩帶刀前  
來無不骨折心驚魂膽俱喪也又瀘州富順交界之  
地一山最深其民逃避其間庶幾可恃無恐無如兵  
之所過遍山搽尋其婦女望見驚走媳棄其姑母棄  
其子童稚不能相隨者棄置山谷越日走視悉為虎  
所傷嚙而死又有一婦逃躲山箐被兵搽尋恐兒啼  
有聲囊其子之口而竟死者又有步履不前被兵追  
及遭其淫污而死尸在草野經月不收路人矜憫刈  
草而覆者此皆歷有地方姓名可考倘蒙行查職方  
敢歷歷具上以聽處分懲戒將來至瀘州江安接壤  
南溪一路石橋舖至富順土地坎亂石灘兜子山虎  
嘯舖至高洞一二百里之內民間耕牛悉皆拽去裝  
運行李重以雞豕既盡即宰耕牛或一二十人過而  
殺一牛或七八人過而亦殺一牛剝割露燒餘剩拋



擲中野臭穢觸人行者掩鼻前職至鄉招集有老羸  
數十人遮路馬首向職泣訴以耕牛盡失米穀無存  
今冬之殘歲難支來歲之春耕無具召買軍糈無從  
辦納痛哭哀號職莫可如何慰勞再四而去凡所過  
之地炊薪薪火折毀廬舍又有室在人逃過兵往爨  
縱火焚燒至自流井一帶地方兵馬往來日於此焉  
託處其竈民皆遁至威遠榮縣數十里之外床几悉  
為火燒稻穀罄於馬料竈民停煎者蓋五月餘矣種  
種毒害慘目傷心莫可名狀職竭力招徠而驚魂未  
定逃匿山箐莫肯復業祇冀回兵過盡稍有甯息之  
時旋歸復族乃一月以來有瀘州一帶兵裝肆害無  
從稽考散布鄉間買糶稻穀遇有煙村卽坐門勒逼  
其有者當卽摻括而去無者又復向遠地轉買價值  
不敢問挑送不敢辭少逆其意網縛隨之刀背不已  
繼以靴尖被苦受冤不可告訴職嚴爲查訪令里民  
拘緝一二申解憲臺奈鄉里之民散處山陬爲戶稀  
少勢孤力弱莫敢向前卑縣召買軍餉共計數千餘  
石夫此數千石之餉近者四五里遠者八九十里  
必肩挑背負然後得至今復有此種假兵陸續騷擾  
嗟此勞黎避兵之害而不暇又何能擔負而輸將乎

敘州府志

卷二十九

宦蹟

富順

竊思大軍綏靖地方爲民除害也今若此則無以  
自延必有萬里叩閭之人職任地方之責豈敢緘默  
自今大帥駐瀘一切軍輸羽檄嚴催刻不容緩而兵  
之擾害靡有甯時此職之所以日夜傍徨莫知所措  
不敢不痛切敷陳也夫憲示旣頒之後其逞凶肆暴  
之徒當亦漸知畏懼但地方爲害不止一端伏冀憲  
臺再爲申飭其過往兵丁令其俱行一定大道不得  
私由小路肆橫害民其拽去耕牛令給還民間倘有  
兵丁再行牽宰及私自下鄉恃強勒買豆料擾害地  
方者統望申飭各營嚴爲禁止其有抗頑不遵者尤  
望痛懲一二以警其餘如此則民病稍甦漸可復業  
軍餉亦得以次而上納是憲恩所被大有造於斯民  
也不揣冒昧上瀆尊嚴臨稟不勝戰慄惶悚之至

王令樹 字桐孫江南太興人康熙己未進士二十

七年任性剛方勇於治事三十年直陳東省一案分

六里爲八路務令均平奸宄斂手以秦省饑饉應例



納部主事尋擢御史

衛 璪 號文漪山西澤州人康熙三十三年由教習任建譙樓以培學宮白虎後薦卓異去紳士錢溢等立碑以志去思

滿雲鵬 字搖飛奉天鑲紅旗人癸酉舉人康熙四十一年任通達治體釐奸剔弊豪猾屏息尤能熟悉民情一時草野無不平之獄修治兩廡尋以卓異陞直隸開州知州去之日邑人立生祠祀之復鑄去思碑記

錢經紳 字治人浙江錢塘人己卯舉人康熙四十

敘州府志

卷二十九

宦蹟

三

富順

六年任甫蒞官百爲具舉殷殷以教養爲首務重建名宦鄉賢祠後因憂去邑人鑄石志思

姚 銳 號退存江南桐城人康熙四十九年由官生任有才能勤於案牘蒞官未期四境肅然邑人舉少陵詩姚公美政孰與儔不減昔時陳太邱以贈銳勒石爲壽

梁棠蔭 字喬南陝西涇陽人庚辰進士授翰林庶吉士改授康熙五十年任性剛直蒞事清勤有唐學士劉禕輩治略民歌曰我侯姓梁德庇四鄉庇民蔭士召伯甘棠未幾以憂去



劉上駟 號漪園江南丹徒人乙酉召試內廷纂修  
康熙五十二年任工書法能詩任涖十三載政簡刑  
清暇時吟咏丙申旱禱雨有應時立禱雨利民碑陞  
湖廣安陸府同知雍正三年爲立去思碑記

朱緇衣 號雲峯山東泰安人康熙乙未進士雍正  
二年任五年政治具舉以事去任邑人攀留裁成後  
學設教於萬壽寺夏不葛冬不裘循循善誘一時從  
遊者如編修晏瑄孝廉陳岐郭中胡柏齡胡椿齡吳  
允觀張愈顯皆出其門所著有四書大小題文稿歸  
去來辭文及詩賦等集

敘州府志

卷二十九

宦蹟

三

富順

俞起運 河南汲縣人雍正六年由廩生保舉任重  
士恤民捐修 大成殿兩廡以憂去

袁錫夔 字石堂江南六合人丁巳進士乾隆十八  
年任精於吏事以前積案甚多錫夔甫視事晝夜審  
理案牘俱清性明察每聽斷折衷情理兩造稱服邑  
有兄弟六人爭產者諭至二堂以至性動之時錫夔  
得家信聞兄訃聲淚俱下六人均感悔互相揖讓及  
期卓異調巴縣踰年有至巴縣稱祝者

熊葵向 江西安義人乾隆十九年由拔貢任居官  
以崇善化俗爲務創修課士所講論經義多所闡發



又重修城隍廟移建書院置學由皆有記去後士民立祠祀之至今不廢

葉體仁 湖北江夏人乾隆二十九年由舉人任爲政平允與舉廢墜重修城垣及武廟火神祠移置文昌祠於城內值乙酉旱饑公捐施粥饑民賴以全活者甚眾陞敘州府知府

楊掄 甘肅中衛人乾隆三十八年由進士署爲政寬猛交濟吏民畏懷一時有青天頌

段玉裁 江蘇金壇人乾隆四十一年由舉人署學問淵博禮賢下士又重修富邑志書建修文昌宮薛

敘州府志

卷二十九

宦蹟

三

富順

翁祠俱有傳記

沈漣 浙江山陰人乾隆四十七年署居官清廉端正理煩治劇游刃有餘民鮮遁情案無留牘陞雅州府知府

潘邦和 浙江仁和人乾隆五十一年任居官淡泊甯靜與民休息富邑鹽廠積欠鹽羨課銀十餘萬公至通融調劑甫三載悉除陋規積欠爲之一清留心學校捐修書院書舍置買學田又建修升澤廟己未卒於任士民刊位同祀滿公祠

李明心 貴州普安州舉人嘉慶元年署氣宇冲和



褻躬謹慎洞悉利弊一時民風士習多所裨益陞漳  
州府知府

曾自柏 江西長甯人嘉靖五年署為政敏決剔除  
積弊培修 文廟兩廡及崇聖祠明倫堂擇端謹紳  
士經理不假手胥役故工易竣而民不擾

鄧仁堃 號厚甫湖南武岡州拔貢任強毅精明倡  
修學宮制度宏峻薦由知府陞至江西按察使

陳長壙 號勤齋廣東揭揚拔貢道光二十五年由  
開縣調任博識圖書捐制錢五百緡倡修迴瀾文光  
兩塔以培文風自為碑記陞雷波撫夷通判

敘州府志

卷二十九

宦蹟

三

富順

姚寶銘 號藍坡福建閩縣進上道光二十七年署  
捐廉七白金助生童肄業膏火

猶自東 號青圃貴州優貢咸豐六年署籌增膏火  
培植士林

李德良 直隸拔貢咸豐七年署多惠政邑人立長  
生祠

凌樹棠 安徽定遠舉人咸豐七年十二月署以征  
黔殉節酉陽富邑士民為位祀之

彭名湜 號洪川湖南巴陵人咸豐十年任質性仁  
慈滇匪之擾保衛幹旋閱四五年闔邑恃以無恐現



升知府補用道

杜愛廉 號師竹山東濱州拔貢由孝廉方正同治七年署捐廉俸三百金嘉惠士林

張煥祚 號延甫山東蓬萊縣人由優貢中副榜同

治八年由璧山縣調任志慮忠樸治理繁劇精力明

強以上知縣

張允恭 閬中舉人康熙二十七年任舉止端肅勤

於課士陞建昌教授告終養入籍富順後任馬湖教授未任卒葬於宿灘之原

張漢 成都縣恩貢乾隆二十一年任渾厚質實

敘州府志

卷二十九

宦蹟

三

富順

不事雕琢待諸生以禮丁丑卒於署貧不能歸知縣

熊葵向為募金運柩歸里以上教諭

黃熙載 新繁舉人乾隆五十三年任渾厚端重不

事紛華率諸生訓讀終日端坐講說不倦令人如坐

春風中文以清真雅正為宗詩以盛唐為法司鐸中

不可多得者

薛銳 涪州歲貢乾隆五十七年任樸實慈祥崇

尚古處勤於訓課士習多所裨益後告休人不忍別

黃秀和 合江舉人嘉慶七年任學養深純嘗與諸

生講論經義多所闡發及告終養歸里從游甚眾母



卒廬墓三載為士林所共欽學臻純粹質本端方入

合江鄉賢祠以上訓導

以上政績

宋張宗誨 字習之乾德中知監赤崖夷賊斗郎春叛

羣獠騷動宗誨集郡兵力破之遂納地請降歷官秘

書監

明盧安世 貴州赤水衛人萬歷四十年壬子舉於鄉

為富順教諭天啟初奢崇明反遣賊逼取縣印署令

棄城走安世收印率壯士擊斬賊無何賊數萬猝至

安世單騎鬪手馘數人詣上官請兵復城帝用大學

敘州府志 卷二十九

宦蹟

四

富順

士孫承宗言擢安世僉事監軍討賊屢有戰功五年

四月總督朱燮元上言自遵義五路進兵永甯破賊

之後大小數百戰擒賊幾四萬人降賊將百三十四

人招撫羣賊及土漢蠻二十九萬三千二百餘人皆

安世及李仙品劉可訓等功帝納之進安世貴州右

叅議遷四川副使以遵義監軍功復多崇禎初予世

廕武職進右叅政久之解官歸事見明史並縣志

以上武略

楊清璽 永甯人咸豐九年署富順汛防把總時滇

匪擾郡清璽帶兵勇出防越境擊賊被獲不屈遇害



新採

右忠節

南溪縣

宋程球

舊通志紹興中知南溪縣救荒有善政人

心悅服棘人感化

明馮儼

慈惠下民作興土類永樂中董役採木勤

於撫恤民爭効力以故功先於眾尚書宋禮以束帛羊酒嘉勞之至今民頌其德

劉歆

宣德中都給事中謫南溪廉能剛毅豪強

屏跡卒於官百姓哀之謠曰前有馮後有劉官不擾

敘州府志

卷二十九

宦蹟

四

南溪

民不愁

鄧壽椿

仕履未詳天順中知南溪縣縣自宋熙甯

間由李庄驛移治於此築土為城不時傾圮壽椿捐廉俸與民共勤苦週遭砌石勞績甚著

張繹

宏治中知南溪縣興學校廣儲蓄毀淫祠

置祭器惠績居多雲南通志字思紹建水人宏治丙

辰進士知南溪縣擒劇賊韓積德勘永甯納谿軍民爭殺積案人咸心服升四川僉事藍賊之亂多所招

降添栢林遞運減巴州解銀官民稱便

路義

貴州舉人正德中知南溪縣卻餽遺釐奸



弊修城捍衛民賴其利

胡愷 湖南通志字德彰零陵人宋五峯先生之裔性孝友由歲貢任南溪主簿年饑曲爲賑濟多所全活捕緝有方盜賊屏息升知本縣

皇朝王大騏 湖廣舉人康熙二十年知南溪縣時丁明末兵燹之後傷痍初起復遭吳逆叛據康熙十九年始行恢復大騏到任見四野蕭條城郭傾廢爲之恤流離振疲憊修葺城垣使民得以安堵賢良之稱至今未替

宋鑑 浙江錢塘縣歲貢生康熙五十七年知南溪州府志

卷二十九

宦蹟

望

南溪

溪縣廣學校課農桑庭無宿訟吏無隱情以廉俸所餘捐置養濟院田地一分於例養孤貧六名外添養十名每歲薪米衣單及瘞葬棺具不致告缺皆惠政之遺也

王采珍 山東進士乾隆十七年知南溪邑初無義學捐廉倡化修琴山書院置義田以供修脯按月課士捐給獎資公暇不時適館提命生童誦讀以讀書敦品爲勸蒞任九載獄停訟息政簡刑清人稱循良之最

崔光儀 順天霸州人乾隆二十六年援新疆例知



南溪勤於民事不憚寒暑每親行阡陌勞農勸相游  
惰者咸知警邑城垣自前明修砌後已二百餘年週  
遭傾圮光儀捐廉爲倡廣大其址更新修理較前益  
堅厚完固歷今賴之

翁霽霖 字傅宗號筠樓福建莆田人乾隆戊子解  
元戊戌進士五十五年知南溪慈祥愷悌不事刑威  
每月課士鳳翔書院改竄詩文不少苟且公餘時至  
書院與諸生口講指畫終日忘倦蒞任十載邑中成  
就人材甚多年七十沒於任

薛天相 山西臨晉人乾隆己酉進士嘉慶四年蒞  
敘州府志 卷二十九 宦蹟 望 南溪

任起居儉約無異儒素嘗夜巡聞書聲輒凝立不去  
或欣然入館爲子弟正句讀講經義勸勉交至至今  
稱頌不衰

張仲芳 江蘇寶山縣人乾隆戊子舉人嘉慶五年  
蒞任九年去任嘗培修奎星閣城隍廟又於南岸半  
月池建龍王祠書澤溯仙源四字於巖上至今猶存  
周春溶 字已村浙江諸暨人由乾隆乙卯科優貢  
教習期滿選授南溪政尙簡易課士獨勤午夜衡文  
不倦一時登科第者皆出其門春日巡行田野見力  
農者停輿勞以果食又刻蠶桑寶要遍給士庶示以



種植養育之法三年報政註上考旋奉諱去任

胡之富 字桂浦江蘇武進人嘉慶十二年涖南溪縣任凡八載清操自持政尙廉平聽斷尤明允改建文廟鳳凰山以復古制纂修邑乘自勤編輯博采無遺

翁紹海 字寄塘江西新城人嘉慶戊辰舉人道光十四年任縣令凡八載廉謹有聲興學勸農施粥慈幼百廢俱興纂修邑乘尤徵詳贍

陳錦文 甘肅清水舉人咸豐十年任知縣時因滇逆鼠蜀擾及縣境外鮮援師內乏糧儲戰守無具晝

敘州府志

卷二十九

宦蹟

器

南溪

夜籌防歲餘心力交盡克保危城聞訃丁憂並增悲痛留書於案曰親生旣未侍養歿未視殮仕遇時艱甫保城池旋遭大事抱恨終天遂自縊於官廨閭閻安堵咸賴捍衛之功

雷爾卿 字乙垣陝西朝邑拔貢同治四年涖任凡七載爲政簡易剔弊除奸卓有能名如添小學孤貧修築月城砲臺會府書院東關外龍騰山建立龍騰閣與琴山雙塔鼎峙培植文風皆不憚勤勞尋膺卓異引 見去任

吳春煊 浙江錢塘副榜同治十一年任知縣值軍



務稍平頻年荒歉民益艱苦雲貴甫定遣歸師旅差徭繁重迄無虛日春煨居官廉潔愛民如子嘗曰在此力不能支剝民脂膏以應徭役心實不忍繞屋徬徨計無所施遂於官廨自縊士庶悼惜輓云赴義成仁蓋紀實也

以上政績

唐 炯 字鄂生貴州遵義舉人權南溪政尚廉明有幹濟才咸豐九年值滇匪寇蜀敘郡被圍倉猝間修城浚壕招練防堵與紳團口講指畫動中機要率團扼要堵勦賊不敢犯閭邑以安

敘州府志

卷二十九

宦蹟

星

南溪

右武略

明王碩輔 字斗瞻貴川畢節衛貢生萬曆末知南溪縣天啟初永甯土酋奢崇明叛攻陷城邑旋攻南溪盡散家資與合城士庶泣血盟心日夜堅守親冒矢石相持半月救援不至賊勢益熾力不能支歸署中令舉家俱自盡乃投關聖廟自刎賊既入城惡其抗已斷其首而去事聞贈尚寶卿世蔭千戶康熙四十七年士民郭維垣等稟請入祀忠義祠

皇朝趙家駿

忻州人順治辛丑進士康熙十一年知南

溪縣時蜀省甫定城郭未修值吳逆叛家駿自度守



禦無具而職司守土不可委之以去遂自縊死

以上忠節

長甯縣

宋柳光熙 建隆乾德間爲西南都巡檢使教令明肅諸彝悉嚮慕之瀘帥有忤刻者譖於朝徙諸內郡從此諸彝同憚騷擾多端至皇祐間酋長曠聚郊外邦人大恐忽軍校白進豐者作柳公言陳破賊計從之賊大潰又見沿山鎧甲如官軍至乃遁去城賴以完士民立廟祀之政和六年賜廟額曰忠祐九年賜侯爵至今旱潦災疫有禱輒應崇祀名宦

范百祿 知長甯軍因長甯等十郡八姓彝內附作文以誓諸彝並立碑於武甯岩捍衛有功崇祀名宦  
虞杭孫 故相允文之子嘉定間爲長甯守鑿峽通舟楫惠及於民立祠祀之正德間龍華寺得古碑其額上有太守虞公生祠等字

許國 字致堯陽安人爲長甯通判以和議成卽休官歸子慶孫奕相繼顯達祀名宦

元阿思簡 任達魯花赤知長甯軍授義武將軍卒於官神多顯應祀名宦

支渭 興國州人初爲江西儒學提舉有一士云



支公來未必能策我以百端渭聞之策問曰孔子七十二賢賢賢何德光武二十八將將將何功皆不能悉後知長甯多行善政澤及士民陞雲南參政壽八十一終子孫家於昆明崇祀名宦

明湯行 洪武中由吏部侍郎謫知長甯政蹟懋著崇祀名宦

胡諒 荊州江陵人永樂間爲縣尹善政頗多黎民懷惠周洪謨稱長甯一百數十年來得賢令四以惠民稱者諒其一也

朱思通 衡陽人正統間爲長甯縣令每歲二月親

敘州府志

卷二十九

宦蹟

署

長甯

赴諸溪率民修堤堰以資灌溉教人藝桑蠟樹皆有定額又令四境之山凡可開墾者皆種山稻蕎麥民沾其利實多舊清井鹽課每歲虧欠掌收者鬻子女不能償乃爲分大小中三場定額數有差等歲課因以不虧邑中逃亡戶口田產多被豪強兼并而稅糧則里甲代償不勝其苦乃籍其田照畝徵收自是長甯無賠償之患始爲宰時以丁艱去父老數千人俟其服闋詣闕陳思通作宰歲餘歷年蠹弊一一革除民心思之如子失母乞還治其邑而不意先期已補授長甯矣在任十年始終如一後以疾力辭歸崇祀



名宦祠

李昂 荊州江陵人成化初知長甯縣在任六年首修學校優養諸生徭役必均冤抑必雪熒獨必恤災患必拯至於不義之物一毫不取蜀中一百三十郡巡撫奏請旌守令之賢僅十二人昂居首列士庶稱之亦無閒言周洪謨稱長甯一百數十年來得賢令四昂其一焉

袁莒 字時采江西豐城舉人精易學成化間爲長甯校官晝與諸生講論精詳終日不倦夜復巡號示警雖風雨未嘗少輟設教數年科第得人最盛太

叙州府志

卷二十九

宦蹟

吳

長甯

守陸淵之愛其才學延至郡授諸生經咸曰吾道南矣丁內艱去後陞欽州知州祀名宦祠

孫鼇 雲南普甯人爲長甯縣令廉靜自勵一介不取於民常書一聯於座右云兩隻腳要踏實地一片心求合老天其爲人大率類此丁內艱去送者塞途

周伋 江西上饒人正德十四年爲長甯教諭直方自勵言行足師常捐俸建東西號舍率諸生講貫其中歷久不倦或有爲其囊橐計者輒麾之曰吾職在作士借君祿以課諸生費不出己矣恤焉任甫六



載致仕去士大夫留之不得競爲詩歌相贈云祀名宦祠

李時芳 號新溪湖廣黃州人嘉靖間蒞長甯任居官數載水潔持身慈仁撫眾拯冤獄之淫濫抑豪滑之驕橫安流徒敦士習陳鹽政招降彝惠政頗多一時民胥賴焉秩滿考取陞廣西上思州知州歷任福建興化府同知去後民思其德猶冀復官於蜀壬戌歲以他事來長甯士民郊迎頌聲載道後聞其歿爲肖像立祠於邑之兩渡水西岸

殷 轍 貴州普安人嘉靖間任知縣性嚴介不隨

敘州府志

卷二十九

宦蹟

吳

長甯

時好

新

張仲愛 雲南人嘉靖間任教諭德行真純學問淵博陞永甯衛教授

新

杜 傑 湖廣黃岡人萬曆間知長甯適歲歉賑活甚眾是時九絲初定黠酋內訌拮据調停卓有懋績後採木入山水涸木阻虞禱於天忽大雨如注木隨水出先是西南彝騷動喜功者有犁庭之想傑曰不可民方疲於力役又驅以戰吾恐邊地險阻徒勞無功也當事不聽卒至覆敗人服其先識崇祀名宦

龍應濱

湖南通志號思庭湘鄉人知長甯縣土廣



而沃奸人通賊以累平民里胥呼迫多匿山谷爲盜  
應濱輦家貲代償之奸民感其義咸改轍樂輸無復  
爲盜興學課士修祠葺橋隨在一新通志

皇朝陳聶恆 字秋田江南武進人康熙庚辰進士爲長  
甯縣令侍讀學士惠士奇作詩送之載別裁集中蒞  
任後撫字有方聽斷明敏公餘課士文教聿興捐置  
後江渡口義田並造清溪橋民多懷惠雍正元年陞  
刑部主事因廷臣薦其夙學特改翰林院編修載通  
省名宦志

耿壽平 山東人雍正五年任知縣清廉惠愛士民

敘州府志

卷二十九

宦蹟

五

長甯

刻石記之

新

以上政績

宋寇 城 字次公河南汝州人大中祥符間爲梓州  
路轉運使時多剛縣彝酋斗望劫瀘州燒涪井鹽城  
率兵大破之彝人震恐相率來附城又置戍守建砦  
柵濬三濠以環涪井鹽保障多方民始安集

劉堯年 政和間權知軍事值宴州彝卜漏之亂以  
諸路兵爲先鋒忠勇協濟卒平之祀名宦祠

甄 拔 紹興間知長甯軍時蠻人入城皆佩刀劫  
奪萬狀拔嚴加禁戢俾納刀於候館然後入蠻人相



語曰惡將軍祀名宦祠

向能 陝西鳳翔汧陽人成化間爲長甯典史時都掌彝賊悞以當道誘殺其父兄二百餘人計自侍讀周洪謨出挾仇圖報圍攻長甯人人自危欲棄城走能父子擐甲冒誓於眾曰汝等今走則一城皆魚肉矣俟我父子二人死任汝等走否斷不可走也遂與其子開西門奮勇衝賊陣邑中子弟悉從之尋縛賊二人斬首三人賊眾大駭又聞悞恨周侍讀等語遂解圍去崇祀名宦

以上武略

敘州府志

卷二十九

宦蹟

至

長甯

宋景思忠 弟思立思誼俱普慈人思忠爲長甯參軍輿地紀勝載普慈志云彝人犯清井思忠以先鋒死之思立相繼戰死思誼因主將徐僖爲彝人所迫往議和被執不屈竟死之後建廟爲旌忠觀一日三聖廟今並祀於名宦祠

王佐 爲長甯軍守將寶祐中兵拔長甯佐及其子不屈死之祀名宦祠

明馬完驥 陝西西鄉人萬曆中爲長甯縣令以忠勇死節題請崇祀忠義祠

徐大禮 明史忠義張振德傳長甯主簿徐大禮守



長甯城陷大禮曰吾不可負張公一家四人仰藥死  
贈重慶同知世廕百戶會稽縣志字復初會稽人天  
啟初任四川長甯主簿署縣事值奢崇明倡亂縣無  
兵糧不能守賊將及城大禮置毒酒中先令妻謝氏  
三子明傑幼子明某及家人盡飲自坐堂上與塾師  
謝某舉鳩滿引歌大江東去一闕從容死之賊至見  
公死歎息引去時朱燮元守成都首疏其事曰一家  
十三口死難者徐大禮也總督張我續復以大禮與  
張振德董盡倫等十二人疏請卹錄詔贈重慶府同  
知廕一子臨山衛百戶世襲

通志

敘州府志

卷二十九

宦蹟

至

長甯

皇朝周于堃 長甯縣令同治元年髮逆陷城殉難弟子左  
妾劉氏皆死之

梁崑年 長甯典史同治元年髮逆陷城殉難妻姚  
氏妾鄒氏鄭氏子虎臣女大姑妻兄姚德森皆同時  
殉難

劉文魁 長甯把總同治元年髮逆陷城偕子漢卿  
殉難

以上忠節

高縣

明王旭 洪武初年蒞任邑遭明玉珍荼毒之後數



十里無人煙旭撫綏流亡咸得其所初州治在陳村尋徙懷遠砦俱地薄水淺適改爲縣乃移今治於時他務未遑先建文廟禮教之重卜宅之吉至今賴之祀名宦祠

趙彥宣德中知高縣恩威並著遠邇信孚未幾解任去正統時芒部入寇征討弗克諸夷曰趙尹來卽降於是辟彥至諸夷皆納款事聞詔復彥職卒於官祀名宦祠

余炳宣德中任高縣明敏有決斷時盜賊大肆內一賊假稱鄰民出首欲窺虛實炳知其計擒殺之餘賊聞風遠竄民獲安枕人稱神明會久旱步禱烈日中霖雨大降祀名宦祠

唐繼年萬曆初年爲高縣令與民休息時夷賊猖獗遠近震恐乃繕城固守撫循殘黎士民戴德祀名宦祠

張邦敬陝西韓城舉人萬曆間任知縣沉靜有爲悃幅無華孜孜以勸課農桑興舉廢墜爲務深得民心會九絲平以軍功擢牧州太守累遷四川按察司副使祀名宦祠

吳調陽江南貢生崇禎間以資格擢高縣令治尙



清靜不大聲色而理財聽訟教養兼備燭奸懲惡民皆服畏

皇朝陳野修 湖廣襄陽人康熙元年以歲貢知高縣時兵火之餘與民休息清糧賦剔弊端招徠開懇宣布德音蒞任九載民咸稱頌

凌天保 浙江新城舉人康熙九年任縣令禔躬清謹政教嚴肅面諭父老子弟力本務農諄諄至再民親之如父母

鄭德 浙江仁和舉人雍正六年任縣令會烏蒙鎮雄土酋跳梁川滇用兵軍書旁午撫輯鎮定民不

敘州府志

卷二十九

宦蹟

高縣

高縣

轉徙已而奉丈田地清理賦役釐奸決訟具有條理庚戌之秋烏蠻復叛陷城池殺鎮帥兼以獗狡蠢動委辦軍需崎嶇行間事竣回縣卒於任

李兆錦 號澹圃湖北安陸府鍾祥縣舉人乾隆十三年蒞縣任實心實政上下交孚士民稱頌

李猗 桐梓縣人其先江西豐城縣胡毛李氏明吏部尚書李璣之後康熙二十五年除高縣訓導蒞任十九載教授諄勤士習以端推陞河南歸德府經歷三年解組歸高遂家焉士林仰其教澤至今稱頌不衰



易大壯 雲陽縣歲貢康熙四十六年任高縣訓導  
凡接見士子諄諄以立品敦行相勸時邑令石如金  
方移建學宮忽奉檄督餉西藏大壯肩其事朝夕督  
理不辭勞瘁卒底於成司鐸十餘年貧至不能歸因  
家焉今子若孫衣冠相望邑人士猶追念其遺澤不  
忘

任振琦 浙江山陰縣人康熙六十年任高邑典史  
有才幹雍正間烏蒙夷賊猖獗大軍征勦振琦督運  
糧餉招撫殘黎備著勤勞

李鴻楷 字法該號式亭江西吉水縣人乾隆二十  
三年爲邑令惠政甚多修祠廟繕城垣實倉廩建書  
院輯邑乘培文教士民至今稱道不衰入名宦祠

李寶曾 江蘇通州舉人嘉慶九年署邑令所至慈  
柔勸化與民一體時微行與鄉老飲詢民間疾苦猾  
賊萬耗子捕之不獲誘致之令與其黨詣城隍廟開  
導數四悉悔泣境賴以安解任去士民泣送數十里  
徐永錫 湖南華容舉人嘉慶十年署縣令慎官箴  
明治法有古人遺愛微意

李應元 雲南晉甯州舉人嘉慶十三年署縣令人  
不敢干以私門絕奔競時鍾趙兩學博相繼沒於署



助之得歸葬

鍾映祖 嘉定府樂山縣舉人任高縣訓導器量恢宏抑而善下尋卒於署邑令率多士助之歸葬

胡 濤 江西南豐監生任高邑典史捐俸創修廳署佐縣拯濟飢民勤勞公事蒞任三十年以病告歸兩袖清風人嘉其廉潔

汪漢珩 仁壽縣貢生署高縣教諭學優品正待人以寬而清操自勵

王述亨 蘆山縣貢生署高縣教諭捐修學署正已化人勤於訓士不憚煩苦終任所邑人力助之歸葬

敘州府志

卷二十九

宦蹟

高縣

高縣

仲聯陞 綿竹縣貢生任高縣訓導老成篤實善甄陶士類

梅調元 雅安縣貢生任高縣訓導凡接見士子恆以孝弟勗之見客雖盛暑必冠清標自勵士敬畏焉  
王世瑞 湖南衡山縣進士任高縣時歲荒請平糶儲穀以活民乃躬自給不假吏胥手遇飢者捐俸以濟民甚德之待士勤於考課未幾告病歸

周 謙 浙江仁和縣進士任高縣令十餘載政簡刑清閭閻安於無事尤樂造士督修 文廟若有前定得古碑預載其事



盧燿 廣西潯州府平南縣舉人嘉慶十六年任  
縣令政尚寬簡不輕用刑尤喜培植人材續縣志修  
白塔改建文昌宮捐填社穀置小學義倉皆本仁心  
爲惠政一時士敦廉節民樂農桑囹圄空虛盜賊不  
作解組後民思其德爲塑像祀之

郭彬圖 字古樵道光五年蒞高縣居身廉潔爲政  
務持大體不事姑息鋤治蠹役豪強不少假借以書  
院狹小更闢規模籌添膏火舉創義學二十處次第  
培修節孝祠演武廳養濟院其去也百姓爲長生牌  
以祀至今稱頌不衰

敘州府志

卷二十九

宦蹟

七

高縣

孟毓勳 字雲樵山西進士道光十八年署縣令培  
修文廟兩廡牌位皆其敬書留心教養案無留牘常  
有兩造不備而訟已結者其不累民也如此

郭鑑庚 字萼香嘉慶己卯進士道光二十一年任  
縣令時奉憲委勸捐有成數矣旋檄停止卽如數給  
還分毫不染癸卯鄉試勸諭鹽商籌款創舉賓興勤  
於課士成就甚多建關樓黃水口沿河置造炮臺豫  
防暴客人以爲有先見之明云

陳樹豐 字玉農署縣篆時留心教養勸民力耕息  
訟書院月課設添膏火創置西門外義塚解組日士



民豎德政碑以誌遺愛

周志道 號卓峰巴縣舉人任教諭學問淵博循循善誘至今士人思之

以上政績

元張景良 至元時任高州牧恩威並濟縣西南接烏蒙芒部苗蠻不時剽掠間且入城爲害乃徙州治於懷遠砦隨糾選勇健設伏要隘伺夷賊入境悉擒之而殲其魁於是鄰夷震懾境賴以安祀名宦祠

明張文軫 成化間任縣令廉明沉毅有遠識高故土城乃甃以石旣而蠻賊猖獗鄰邑被掠備極慘酷惟

敘州府志

卷二十九

宦蹟

美

高縣

高城新竣守備嚴密以故不敢攻復出奇計擊賊輒勝人皆賴之祀名宦祠

吳登啟 江西南康人崇禎十七年由拔貢任縣令時獻賊陷成都僞署守令所在降服啟獨抗節不屈緹騎追之避入鎮雄設要拒守糾集土夷與賊迎戰復城治尋陞敘州同知擢知府累官兵備道以病卒

以上武略

明王 懋 明史郭楠傳嘉靖元年諸臣伏闕爭大禮皆得罪明年御史王懋言廷臣以議禮死杖下者十有七人其父母妻子顛沛可憫乞賜優卹贈官錄廟



帝大怒謫懋四川高縣典史

何復 明史忠義本傳字見元平度人崇禎七年

進士知高縣有卻賊功忤上官被劾謫戍並通志

皇朝丁良俊 字虞門署任時滇匪竄擾焦村帶團堵禦

旋聞另股賊到羅家場又往落潤坎堵禦及賊大至

眾始知為髮逆紛紛奔潰賊執以去遂遇害賊竄橫

江獲其屍無首又七日得諸廁乃送城合殮閱三年

知縣馬佩玖為詳請奉

旨建祠祀之

以上忠節

敘州府志 卷二十九

宦蹟

堯

高縣  
筠連

筠連縣

明歐陽選 湖南通志字汝魁孝宗辛酉舉鄉試正德

甲戌進士改四川筠連申重學校親為諸生授經歲

餘自免歸通志

歐陽蒸 衡陽進士正德中知筠連三江蠻叛與守

備何卿並力禦之邑賴無恙時吳總兵欲議招撫蒸

力辨其非又請免丈田增稅邊民稱便祀名宦祠

朱萬元 字貞一號汝恒雲南舉人萬厯間任筠連

令增置學田捐置義塚修建龍王文昌各廟邑人勒

石紀之



皇朝薛起鳳 陝西韓城舉人順治初任筠連惟蒼頭一人掃室執爨事皆親理不假手吏胥士民服其清正卒於官貧無以殮民爭致賻昇柩歸里且建祠祀焉

〔一統志〕列名宦

鄭錄勳 北直豐潤人康熙二十三年任筠連令勤政愛民恩意旁洽陞任去時士民作去思碑紀其事  
陳豫朋 山西鳳臺人康熙甲戌進士由庶常改授知縣康熙三十八年任筠連令水清玉潔愛民如子陞任去後士民爲之立碑紀其德政

吳應濟 河南商邱人康熙四十四年任筠連令才

敘州府志

卷二十九

宦蹟

李

筠連

優吏治政治士民內陞巡城兵馬司士民建德政碑紀之

董元會 山西萬泉舉人雍正五年令潔已愛民有循良聲兼辦軍務以功調雅安

江 倫 浙江錢塘舉人乾隆二年任縣令實心任事善政及民祀仁廉祠

沈世基 浙江仁和舉人乾隆九年任縣令在官最久增修縣志政簡刑清士民樂業

陳新槐 福建漳平附貢乾隆二十二年任縣令聽斷嚴明廉隅自飭士民愛戴祀仁廉祠



周遐齡 河南南陽進士乾隆二十五年任縣令修廢舉墜邑崇聖文昌城隍各祠煥然一新勸農桑勤考課創修文明書院調南部邑人攀轅臥轍作德政碑記之祀仁廉祠

張應楸 直隸玉田舉人乾隆三十年任縣令留心教養勸民息訟力耕每月課士厚其膏伙邑人至今頌之祀仁廉祠

周助瀾 浙江仁和舉人乾隆三十二年任縣令以正人心厚風俗爲己任尤加意學校創置學田親釐其界作書院規條任筠十載以年老乞歸士民至今

敘州府志

卷二十九

宦蹟

空

筠連

猶思之不置

王以中 貴州遵義舉人乾隆四十八年任縣令獎勵士類培植文風舉行賓興培修書院

王靖 嘉慶十四年署縣令修廢舉墜剔弊除奸祀仁廉祠

誠斌 北直人道光十四年任縣令清正嚴明恩威並用辦理保甲幾於路不拾遺倡捐五百金改建文武廟及文昌奎星城隍各廟祀仁廉祠

江懷珠 隸爲副貢道光十七年任筠連教諭忠厚和平學優品粹在官十八載以孝友爲教士林宗仰



祀仁廉祠

侯大受 陝西人道光二十一年任縣令審理詞訟至誠開導使人自化嚴治盜賊惠卹孤貧教養兼施恩如父母卒於官民送其柩無不泣下

丁雲章 湖北黃陂進士道光二十三年任縣令推誠待物以德化民古之循良庶幾近之

孟自桓 山東舉人道光二十九年任縣令平易近人人自不敢干以私嘗有某紳袖二百金代人關說正色卻之其清正如此每月課士必面爲講解喜吟咏常與諸生倡和士林至今思之

敘州府志

卷二十九

宦蹟

空

筠連

周岐源 咸豐三年任縣令聽斷如神每判案至誠開導俟兩造心服不輕用刑接見士紳優禮有加其遺愛在人至今猶樂道之

周潤蕃 湖南長沙附貢同治九年任縣令剛直嚴明民懷吏畏巴夷入境縣屬之豐樂孔雀二場被害尤慘敘州府知府朱潮檄屬集捐八百金撫卹潤蕃親至其地分別給賞不假手吏胥災黎獲沾實惠

以上政績

明何 卿 合肥人成都世襲指揮正德中守備筠連征白水三江蠻有功後陞總兵才勇大著邊境肅清



皇朝張奮翼 甘肅鎮番進士咸豐五年任縣令事必親  
理案無留牘以邑連滇境又無城池思患預防創修  
關隘十餘座未幾果有滇逆李短搭等嘯聚鹽井渡  
屯上眾數千人調團分紮各隘賊不敢逼相持數月  
飛稟請兵進勦當道飭其張皇遂以憂鬱致疾去官  
賊偵其離任進紮牛皮寨闖入川疆不可復制人乃  
復其先見

李璠 江西人咸豐十一年任縣令為政務持大  
體疾惡如讎蠹役某斃之杖下並斬里豪一人邑人  
稱快其姪忠清前任慶符亦有德政高邑判匪何金

敘州府志

卷二十九

宦蹟

奎

高縣

隆等鈎結張四亡地由正洲下竄令親督團並添調  
慶符練勇在石龍廟堵剿信實必罰得士卒心慶練  
亦以忠清遺愛殊死力屢戰皆捷相持月餘不能入  
境遂改道圍長甯陷建武筠高安堵皆其力也邑人  
建長生牌祀之

以上武略

皇朝孔如芝 字素公湖北黃岡人康熙中以舉人知筠  
連縣親喪歸次江安值吳逆叛為賊帥執欲官之不

屈而死

通志

陳國瑞

字雨農咸豐十年正月巴夷入境國瑞帶



勇同官兵迎擊追賊至三勝巖賊眾繼至抄出我軍  
之後官兵敗績死者甚眾國瑞馬陷田中賊執至涼  
山不屈被害慶符典史蘇寶林帶團會剿亦力竭捐  
軀

以上忠節

珙縣

元周志剛 鞏州學正博通經史勤於訓導鞏始知向  
學

明何

貫

洪武初年知鞏州首建石城邑人永賴

鞏

固

宣德年知珙縣有勇略生擒賊首何其田

鞏州府志

卷二十九

宦蹟

珙

縣

等夷人畏憚不敢入城

曹 棠

天順八年任知縣建立縣城有功於民

李 亨

字嘉會廣東進士任珙縣教諭課士有方

各授以經植桂黌宮日講其下門人封祥劉澣等皆

成進士為名臣

皇朝張

謙

湖北武昌進士康熙四十五年任知縣政

簡刑清造士愛民歷七年陞吏部主事雲南按察司

貴州巡撫珙民立去思碑於孝友鄉

錢金森

江南松江進士康熙五十年任知縣在珙

十一年一切政治多以恩感



吳蕙 江南舉人雍正九年任知縣在珙九年公  
正廉明豪猾悉為斂迹

陳九齡 福建福州府進士乾隆四年任知縣親訓  
士子多所成就在珙五年能以寬服民

陳宗謙 湖北武昌舉人乾隆二十三年署寬猛相  
濟士民樂附

曾受一 廣東東安舉人二十七年任知縣學識廣  
博性行端方在邑三年實政甚多書院志稿皆受一  
所創後人式之

以上政績

敘州府志

卷二十九

宦蹟

奎

珙縣

明布 梁 正德十年任縣令從巡撫馬昊討葛魁叛  
酋普法惡有功於此

右武略

明徐慶餘 浙江新城舉人潔已愛民折節課士甲申  
張獻忠之黨攻珙慶餘率眾守禦勢孤同子文斗被  
執至永甯賊欲降之許以顯秩慶餘罵不絕口父子  
俱死次子時先出總督樊一蘅知其才因薦為高邑  
令康熙十一年知縣萬美詳請入祀名宦祠乾隆四  
十一年

賜諡節愍



右忠節

興文縣

宋趙 適 徽宗政和五年宴州酋卜漏亂適討平之  
為築土城砦畫理疆畝募耕種習戰守安撫咸宜

明吳文全 號梅野西粵賓州舉人萬曆元年克平後  
留守建武設學教士惠愛軍民

皇朝毛國瑞 培植士風體恤民隱

鄭長濟 福清貢生康熙五十七年任知縣修學官  
葺衙署重士愛民尤多惠政

張 璿 閬中縣人康熙丙子副榜任興文縣教諭  
敘州府志 卷二十九 宦蹟 興文

改修 文廟培植士子歷陞敘州府教授

陳潘邨 浙江烏程進士乾隆七年任知縣清廉敏  
達樂育人才纂修邑志未竟而去

葛 曙 浙江餘杭進士乾隆十五年任知縣勵風  
化振文教士民稱頌

鄭廷烈 貴州進士乾隆二十四年任知縣仁愛百  
姓作育人材登賢書者一時稱盛

潘敬蒼 浙江德清人乾隆四十一年任知縣重士  
愛民除弊興利建義學舉廢典士民感德

章廷鈞 安徽桐城舉人禮賢好士勤政惜民至今



有遺愛焉

陳人驥 浙江餘杭舉人乾隆五十四年任知縣清廉剛正重士好文

江琛 浙江仁和舉人乾隆五十八年任知縣勤政愛民革除里役

陽麗中 廣西臨桂舉人嘉慶九年任知縣操守廉潔實政加民

劉齊衢 福建閩縣人以進士知縣事廉隅自勵體恤士民無微不至至今邑人思之

張協曾 陝西和州人甲戌進士署興文縣事培植

敘州府志

卷二十九

宦蹟

七

興文

士林暇與諸生論文不憚諄諄去後士人思之立有學道愛人碑於文印書院

以上政績

明李宏志 湖南通志安仁人正統中貢入太學爲四川戎縣令邊境畔亂宏志練兵設備率眾拒守伺間出勦擒其渠帥撫諭餘黨諸部歸服詔褒異之

曾省吾 明史藁本傳字確菴四川巡撫隆慶中議征都掌蠻令總兵官劉顯移鎮其地顯被劾罷省吾奏留之都掌蠻酋阿大阿三方三等據九絲山剽遠近有阿苟者居凌霄峯爲賊耳目威儀出入如王者



省吾屬顯軍事起故將郭成安大朝爲佐並調土兵  
合官軍十四萬人萬厯元年三月誘執阿苟攻拔凌  
霄三酋遣其黨阿墨固守都都寨圍匝月拔之斬阿  
墨阿大守雞冠嶺顯誘以官而分五哨盡壁九絲城  
下乘無備夜半克之阿二方三走保牡豬寨郭成破  
雞冠諸軍攻牡豬擒方三阿二追獲於貴州大盤山  
克寨六十俘斬四千六百有奇拓地四百餘里以功  
進工部尙書

劉顯 明史本傳南昌人膂力絕倫稍通文義家  
貧自經不死閒行入蜀冒籍爲武生嘉靖三十四年

敘州府志

卷二十九

宦蹟

奕

興文

宜賓苗亂巡撫張臬討之顯從軍陷陣手格殺五十  
餘人擒首惡三人諸軍繼進賊盡平顯由是知名四  
川巡撫曾省吾議征都掌蠻令顯移鎮其地都掌蠻  
者居敘州戎縣介高珙筠連長甯江安納溪六縣間  
其酋阿大阿二方三等據九絲山山修廣而峭仄東  
北雞冠嶺都都寨凌霄峯峻壁數千仞有阿苟者居  
凌霄峯爲賊耳目省吾議討之屬顯軍事調諸土兵  
合官軍凡十四萬人萬厯改元三月誘執阿苟攻拔  
凌霄進逼都都寨三酋遣其黨阿墨固守官軍鑿灘  
通漕擊斬阿墨拔其寨顯分五哨壁九絲城下夜半



腰緝上斬關入遲明諸將畢至獲阿大方三阿二走  
追獲於貴州大盤山克寨六十餘獲賊魁三十六俘  
斬四千六百拓地四百餘里得諸葛銅鼓九十三銅  
鐵鍋各一錄功進顯都督同知已而勦餘孽復俘斬  
千一百有奇都掌蠻既滅顯引疾求去而以有司阻  
撓爲言詔聽顯節制顯益行其志擊西川番沒舌丟  
骨人荒諸砦斬其首惡撫餘眾而還建昌隗厦洗馬  
諸番咸獻首惡西陲以甯九年冬卒官並通志  
劉 綖 總兵劉顯子總兵督軍征九絲綖爲偏將  
先登擒其酋阿大遂以克平

郭 成 敘南衛人總兵劉顯因征九絲起爲偏將  
取九絲時領兵二萬五千出印靶軍其南  
張 澤 總兵取九絲時領兵二萬八千出穀爆軍  
其北

韓似甫 取九絲時領兵二萬八千出得窰軍東北  
任繼祖 取九絲時領兵二萬八千軍西南

安大朝 先廢職起與郭成共軍佐總兵劉平九絲  
馮成能 浙江慈谿進士四川左布政贊討軍事

沈伯龍 四川參議贊討軍事轉漕屬焉

楊一桂 江西南昌進士四川參議贊討軍事



羅向辰 馬平進士以僉士贊討軍事

羅瑤 巴陵進士四川左布政贊討軍事

陶采 黃陂進士以同知贊討軍中後陞任僉事

周思充 浙江餘姚進士以僉事入贊軍中

洪一貫 同知使武舉李之實執阿苟

李之實 武舉與阿苟善誘執之獻軍中

曾本 巡檢督工鑿趙木二灘梅雨暴漲死於水

李江 參政以行營任副使轉漕軍中征九絲時

十四萬兵皆公監督

吳鯨 指揮為劉顯帳下將取惡戾坎命與郭成

州府志 卷二十九

宦蹟

七

興文

張澤合軍誅雄王阿么

陳大壯 通州進士成都府知府鳩工鑿趙木二灘

由南廣水路運糧建武南廣道石壁上刻轉漕建武

四大字

曾可耕 廬陵舉人以同知贊討軍中後任敘州府

知府

奢效忠 永甯宣撫司九絲連月不克劉總兵責之

曰三日破凌霄五日破中都乃萬騎耳今軍增十萬

竟日久未克何哉效忠於是奮勇提兵數日內各兵

會共克九絲



王有福 四川綿州人城守營守備調署建武守備  
兵燹之餘瘡痍未復大疫旋起民死十之八九滇逆  
張逆無日不窺伺建武騷擾邊境有福外籌防勦內  
撫建民晝夜不懈積勞成疾歿於任所士民惜之  
葉茂章 成都人任建武守備適髮逆後苗夷各匪  
屢擾邊境茂章督兵團勦復之建民至今感之

胡中和 湖南湘陰人四川提督駐防筠連時賊竄  
擾興琪盤踞建武不下十餘萬中和督師進勦身先  
士卒策馬以前曰敢有畏葸阻撓者斬率師前進大  
軍繼之一鼓作氣賊遂披靡斬首數十人救出被脅

敘州府志

卷二十九

宦蹟

七

興文

良民百餘人各遣歸籍婦女無籍可歸者交殷實紳  
士諄諄誥戒爲安擇配賊所遺財物悉焚之一無所  
取

以上武略

明李 旺 雲南通志河西人正統辛酉舉人知戎縣  
初蒞任土賊猖獗躬率眾擒之歿於陣事聞贈敘州  
府通判賜敕褒廕有司立祠祀之

張振德 明史忠義本傳字季修崑山人由選貢生  
授四川興文知縣縣故九絲蠻地萬厯初始建土牆  
數尺戶不滿千永甯宣撫奢崇明有異志潛結奸人



掠賣子女振德捕奸人論配之招還被掠者三百餘人崇明賄以二千金振德怒卻之裂其檳天啟元年方赴成都與鄉闈事而崇明部將樊龍殺巡撫徐可求副使駱日升李繼周等重慶知府章文炳巴縣知縣段高選皆抗節死賊遂據重慶時振德兼署長甯去賊稍遠從者欲走長甯振德曰守興文正也疾趨入城長甯主簿徐大禮與振德善以騎來迎振德卻之督鄉兵與戰不敵退集居民城守會大風雨賊毀土城入振德命妻錢氏及二女持一劍坐後堂曰若輩死此吾死前堂乃取二印繫肘後北向拜曰臣奉職無狀不能殺賊惟一死明至妻女先伏劍死乃命家人舉火火熾自刎一門死者十二人賊至火所見振德面如生左手繫印右手握刀忿怒如赴敵狀皆駭愕羅拜而去事聞賜祭葬贈光祿卿諡烈愍救有司建祠世廕錦衣千戶江南通志振德自度形勢不能保退檢篋中得銀兩許付幼子緄曰吾不及見汝冠矣促之行舊通志振德血戰力盡痛哭入城率其妻錢氏長媳顧氏次子張緄女淑英北向再拜縱火自焚僕嚴英顧美等男女二十一人亦同時投烈燄中死惟長子純以應試僅存事聞贈光祿寺卿諭祭



葬建祠立坊謚烈愍廕一子錦衣千戶其妻錢氏等一體旌表附祠義僕嚴英等照例給卹

劉希文 興文教諭張振德既死希文代署縣事甫半載賊復逼城誓死不去妻白氏亦慷慨願同死城破夫婦罵賊不屈並殉節死事見明史

龔萬祿 李世勳 明史龔萬祿貴州人有膽志膂力過人從劉綎征楊應龍先登海龍固署守備成建武所奢崇明反眾推萬祿遊擊將軍主兵事指揮李世勳名位先萬祿亦受節制戮力固守崇明謀犯成都憚萬祿牽其後遣部將張令說降令與萬祿結給

崇明以降崇明果遣他將來成萬祿脅降之誘殺無算復微服走敘州說副使徐如珂曰賊精騎萃成都留故巢者悉老弱誠假萬祿萬人搗其巢彼必還救成都圍立解矣如珂奇其計而不能用未幾賊悉眾攻建武萬祿遊擊十里外兵少敗還城遂陷世勳具衣冠再拜率家屬自焚死萬祿手刃兩妾兩孫自刎不死乃握稍馳出大呼我龔萬祿也孰能追我者賊相視不敢逼走至敘州乞師巡撫朱燮元遂以兵復建武會官軍敗於江門賊四面來攻萬祿力戰三日手刃數十人與子崇學並死詔贈都督僉事立祠賜



祭世廕百戶

艾吾鼎 湖廣漢陽進士崇禎四年任興文署宜賓  
遇賊張獻忠亂閣門死敵奉祀名宦

以上忠節

建武營在筠連陣亡弁兵 馬得恩 魏占先俱

甯人

隆昌縣

明王 寵 廣西賓州人隆慶三年任縣令時設縣伊

始建 文廟築城垣經理庶務以剛明果決稱祀名

宦祠

敘州府志

卷二十九

宦蹟

古

隆昌

朱治隆 廣西晉興人崇禎三年任縣令和易有恩  
人不忍欺 文廟圯力新之與寵之為治寬嚴不同  
而同得民心人稱盛德君子祀名宦

皇朝金文舉 奉天遼陽貢生康熙六年任縣令政主清  
靜不事紛擾際時和年豐卽鼠牙雀角鮮及公堂罔  
囿幾空

錢振龍 鑲藍旗蔭生康熙二十四年任縣令澤敷  
於人能繼文舉之績嘗謂邑無志無以彰懿美闡幽  
光為之草創旋擢戶部主事

吳應庚 湖廣黃安進士康熙二十七年任縣令學



有原本其所發抒悉根經術

溫凝命 廣東河源進士康熙三十三年任縣令賦性明敏聽訟果決事無巨細迎刃立解其持已也嚴其事上也範於禮不苟爲同異遷直隸宛平令士民不忘其去爲勒去思碑誌感

魯天錫 鑲黃旗監生康熙四十一年任縣令政尙峻厲凡作奸犯科者以嚴法繩之除暴安良四境肅然

劉琨 雲南太和舉人康熙五十六年任縣令修廢舉墜邑中城垣祠宇皆頓易舊觀而政無或弛邑

敘州府志

卷二十九

宦蹟

七

隆昌

人愛之如父母遷直隸開州祀邑名宦祠

房度 貴州貴筑舉人雍正十二年任縣令尊禮士大夫擇寒士而能文者入里社教之蠲俸以資膏火聽訟明敏鄰邑有不決者爭赴愬輒得其情政聲翕然卒於任祀入名宦祠

于中行 山東掖縣進士乾隆十七年任縣令明而恕洞曉情僞人不敢干以私又不強人以所難故令下如流水邑無廢事

黃文理 湖南巴陵舉人乾隆二十六年任縣令以文學爲治術增修縣志勤於搜輯



朱雲駿 江蘇金匱舉人乾隆三十二年任縣令治  
尚寬仁增修縣志具見史才邑中文教賴以振興  
賁 領 直隸臨榆舉人乾隆四十七年任縣令剛  
明果決嚴正不阿數年邑中刁棍斂迹士民懷德畏  
威

李明心 貴州普安舉人乾隆五十六年任縣令多  
惠政處事明決鄰邑有疑獄胥裁決焉

盛世綺 浙江秀水人嘉慶三年任縣令政尚清簡  
歲旱捐廉並勸富戶輸米生全甚多城垣書院廟宇  
次第修葺多方經理以資膏火士林頌之

州府志

卷二十九

宦蹟

美

隆昌

張聘三 山東嶧縣人嘉慶十五年任縣令惠愛士  
民矜恤孤寡勤緝盜賊興廢舉墜案無留牘

吉 恆 鑲白旗進士嘉慶十五年署縣令尊賢禮  
士才敏政勤訟無積屢當微服雜市中訪詢民情悉  
達

張如海 浙江錢塘舉人嘉慶二十五年署縣令愛  
士恤民隆人德之

李 盤 陝西洋縣舉人道光九年署縣令性情明  
敏操守清廉修廢舉墜愛士惠民

牛樹梅 甘肅通渭進士道光二十四年署縣令案



無留牘訟無冤獄催科不事差糧早完爲政數月頌  
聲載道去後紳民愛戴不忘爲豎德政碑德政坊  
張敏行 甘肅隴西進士咸豐元年任縣令才識明  
敏學問淵博節用愛民捐廉培土每年完國課後撥  
鹽課餘銀入賓興處以爲鄉會兩試之需立案存房  
永遠給領士民頌之爲豎清官亭德政坊

周岐源 河南祥符副榜同治七年任縣令實心愛  
民虛衷接士每詢一案反覆必得其情以故人情悅  
服立書差章程以除蠹弊捐貲創立德生會以育嬰  
秋間大水設法援賑被災難民嚴禁盜案不准扳誣  
并刊有拙宦芻言深以開堰蓄水防旱及禁賭戒鬪  
雀息訟爲勸歷署二年去人咸思之不忘爲立去思  
碑於南關外

李士超 彭水副榜康熙五十五年任教諭學問淵  
博秉性篤厚宏獎士類孝廉唐德一王夢桂王琛周  
之鼎皆出其門邑人感其教思勤懇咸初佩不忘  
楊大成 蓬溪舉人道光十六年任教諭學問淵博  
宏獎士類孝廉曾世槐彭達訓耿光琪耿光祐副榜  
彭開佶親炙門牆其餘受陶成而出者不勝紀載合  
邑士子沐其教化爲豎德教碑以誌感



顏臺英 什邡舉人性謙和以孝友聞同治癸亥任  
訓導喜栽培寒畯學術該博邑中進士曾廣運舉人  
劉國唐鄒兆蘭潘世驥謝顯莊郭光燭匡雲吉郭祖  
楷副榜藍光乾拔貢郭仁彤均出其門

王鍾 平武歲貢雍正七年任訓導未幾爲邑侯  
代庖剛毅明決廷無宿案吏民歡舞口碑載道雖議  
敘加秩趙擢淹滯然茂才卓績已業覩一斑矣其於  
士子愛護補植尤難屈指故士林謳思至今不衰云  
以上政績

肅慶 號篠田正白旗人咸豐乙卯任縣令明幹

精勤士民靡不懷德己未滇逆之亂慶聞賊烽蔓延  
由郡城防堵馳回賊已逼境急率所部隆勇徑往樓  
峰寺堵勦賊勢披猖眾寡不敵一紅衣賊持矛刺慶  
中腹坐地大罵賊刃環擊遂遇害同時與死者四百  
餘人本邑建立專祠焉

祝良芳 字遂臣李逆之亂以都司由黔入蜀奉檄  
守界市場兵少而精悍咸豐十年六月李逆經過良  
芳帥兵截殺甚多賊竄迎祥街良芳復於瓦店子阻  
截賊退去十一月藍逆統賊數萬圍場良芳血戰兩  
日夜彈藥皆罄被執賊愛其勇勸之降良芳大罵賊



縛之於樹挖心抽腸以死把總周武雲毛正興趙貴友劉紹烈亦以罵賊死邑人哀之爲建祠於界市場

右忠節

屏山縣

元舒 策 元史世祖本紀至元二十二年九月烏蒙叛命四川行院伊蘇岱爾將兵討之馬湖路總管舒策以蠻軍三百爲助降西崖門酋長阿者等百餘戶通志原按是年六月馬湖部田鼠食稼殆盡其總管祠而祝之鼠悉赴水死亦載本紀惜無總管姓名或卽舒策歟附識於此舒策舊作汝作伊蘇岱爾舊作

敘州府志

卷二十九

宦蹟

七

屏山

也速帶兒今改正

任 翔 守鞏州以功陞馬湖總管府建 大成殿

明王 鐸 甘肅通志字大振岷州人成化二十三年

進士任知眉州旋升馬湖同知知府所至賢聲籍籍

繼擢西蜀參議道功業恢廓於龍安一郡多所創建

區畫悉得其宜

通志

張 敏 大理舉人正德四年蒞馬湖府任剛毅有

大節嘗撫夷單騎至營推誠諭之諸彝羅拜受命解

去擢兵備副使

顧 綸 崑山進士正德六年蒞馬湖府任剛明清



正文學著名以忤權貴致仕

鄭冕 閩人守馬湖勁直廉介吏畏民懷常征芒部有功

趙遠 永甯舉人嘉靖十九年蒞同知任後署府

篆歷官五載明敏剛直清廉仁愛三十三年請祀名宦

漆登 高安舉人嘉靖二十五年任馬湖同知創

建樓山書院蜀典宦績類江西志漆登字汝高高安

人少孤事母孝嘉靖舉人任貴州永甯知州陞馬湖

府同知因其俗陋加意造士捐俸資給之時值麻陽

州府志 卷二十九

宦蹟

全

屏山

寇亂協勦告捷以薦兩典蜀黔考試官告養親歸按

登一作澄新

戴冕 河南嵩縣舉人嘉靖四十年署知府有德

政民為立去思碑

李充善 長治舉人隆慶三年任知府民為立遺愛

祠

吳宗堯 餘姚舉人隆慶元年任同知民為立遺化

亭

高則益 江西南昌進士萬曆十九年任兵備道繕

城垣平道路治津梁修學宮飭公府皆觀睹一新時



二三守邊武弁往往憑恃城社魚肉部伍則益取其桀驁者嚴治之軍士肅然又念操場耀武之地苦在水濱爲改設于平野凡廳臺門廡布置井然卽今隔江操場塢也後以憂歸

楊如春 字道發福建侯官舉人萬曆三十九年任同知立心正直士民敬憚新鎮鄉有妖爲民患垂二十年或訴於如春乃遍歷鎮市見枯樹二株有異命伐之值雷電風雨驟至仆其樹得蟾蜍大斤許者數枚妖遂息

皇朝何源濬 字崑孚淮安人以貢監特用康熙十九年

敘州府志 卷二十九

宦蹟

全

屏山

吳逆餘孽據馬湖二十年二月將軍馮彌勒逐之四月蒞任招集流亡復業問民疾苦失牛種者每家給銀三兩以爲耕具貧不能婚者給銀完娶墳墓被賊掘者募僧封閉又值天旱大疫飢者賑之疾者療之每逢秋冬之交攜花紅鹽布巡邊犒賞彝苗向化修學校以興人材作郡志以蒐往蹟時建 太和殿采木於湖源濬時攝道篆條陳五事洞悉機宜在任四年調敘州府 （一統志）列名宦

蔡 琨 奉天錦縣監生康熙二十一年任知縣與郡守何源濬同心愛養黎庶廉靜無擾課士勤農亂



後民賴以靖

戴佩 廣東始興舉人康熙三十六年任知縣時值荒歉民採蕨根充食佩爲購米設粥以拯民飢

劉天爵 號毅齋正黃旗人康熙四十四年任知縣修學宮設義學禱雨以澤禾苗貸粟以救災沴先是天爵建橋於東門外去任後邑人思之因名劉公橋曹重 北直豐潤人康熙四十五年由杭州府船政同知陞授馬湖守愛惜士民漢夷樂業

吳玉溱 字冰持桐城人康熙五十四年署知府捐俸修學宮邑士銘其功於名宦祠內

敘州府志

卷二十九

宦蹟

全

屏山

徐樹閔 江南崑山人康熙五十九年任知縣修義學置學田學使方覲勒石誌之

徐遵義 浙江副榜雍正二年任知縣自署聯云君恩旣重母訓尤嚴詎敢徇私受賄天理難虧人心不昧惟知潔己愛民在任五年行願其言士民作歌勒之石

馮又興 山東貢生雍正七年任知縣修學宮有德政

梁覲 廣東番禺人乾隆九年任知縣吏民德之張乃史 直隸南皮人乾隆十三年任知縣宅身廉



介秉正不阿士民立碑思之

劉嘉賓 浙江分水進士乾隆十六年任知縣士民德之為立去思碑

彭建修 江西金谿進士乾隆十八年任知縣民為立去思碑

寇如舉 太平歲貢乾隆二十四年任訓導剛正不阿有某欲冒屏籍試計已諧夜持金至峻拒之遂忤當事意謝任歸

袁君黼 字乾章灌縣舉人初任華陰令乾隆二十八年改補屏山教職性質樸對諸生恂恂如也會采

敘州府志

卷二十九

宦蹟

全

屏山

枏木官吏紛紜君黼簡於趨謁當事啣之不安其位而去諸生鑲石頌之

崔光儀 乾隆三十三年署知縣除力役之征士庶德之

林守鹿 福建閩縣進士乾隆三十四年署任知縣調劑民情人懷其德

張曾敏 字遜求安徽桐城縣廩貢乾隆三十九年任屏山縣創修縣志四十二年五月奉調辦報銷局旋復任恆多惠政至今謳思不輟

金維熙 江蘇青浦附監乾隆五十九年由縣佐陞



任屏山縣準情酌理外剛內和痼瘵黎庶優獎師儒  
城垣壇廟一律修整其尤表著者捐俸置學田鄰封  
漢夷爭界騷動邊境單騎往撫民皆安堵在任五年  
以積勞引退邑人相與肖像於石以誌不忘

黃漢章 字倬雲江西廬陵舉人道光咸豐間兩任  
屏山縣事修葺城垣興利除害民被實惠治土棍極  
嚴咸爲斂迹涼山蠻夷犯境焚掠無已稟請添設營  
汛迭次請兵勦辦支給錢米毫不累民復誘夷酋泥  
散等禁署中責令保境不犯夷患稍息咸豐八年滇  
民避夷難至者數千人捐俸給食藥病衣寒復勸紳  
糧施錢賑米積數十日護送回籍滇民仰之如慈父  
母解任後縣民爲立去思碑

敘州府志

卷二十九

宦蹟

齒

屏山

趙連元 字雨帆順天舉人咸豐十一年署屏山縣  
事邑中素有會匪橫行城市旋獲搶坭賊八名驗有  
香會腰牌訊確登時正法本城陳哈聲亦會中頭目  
因事拏獲搜得腰牌五面俱立斃杖下全境肅然各  
鄉團練必親臨整飭不憚勞苦同治元年髮賊窺伺  
金江飭團防守江岸三百餘里賊竟不得渡夷匪出  
擾前任歸罪漢奸誣連坐獄者甚眾連元至原情釋  
之每年撫夷賞需稟請立案夷酋帖服尤好栽培文



士平反冤獄以積勞成疾卒於任

張秉堃 字子敏貴筑進士同治四年調署屏山縣時派夷需每條銀一兩派錢三千津貼每條銀一兩派銀七錢又加洋藥釐金隨地酌派民困不支秉堃立案以津帖藥釐均於夷需每兩三千內支消民甚德之馬邊教匪擾中都秉堃一帶督團攻取楊家寨下溪場擒獲匪目張哮呷教匪宋仕傑等皆正法性明敏善折獄卽被薄責者無不知罪悅服積案爲之一空

張繼曾 字省吾貴州普安舉人署縣篆三載辦積

敘州府志

卷二十九

宦蹟

全

屏山

穀萬餘石以備荒修寨堡三十餘座以禦夷墾荒田千餘頃以利農捐錢五百緡以勵節皆實心實政無意弋名邑西觀音場一帶溪回徑險爲鑿陷巉岩開路二千八百餘丈修鐵索橋一座行者無不頌德又重修邑志垂成以調健厥解任去邑人至今思之

政碑

以上政績

明鄭朝棟 號二瞻湖廣人萬歷丁酉舉人任馬湖府奢賊猖獗全蜀半就淪亡朝棟率甲士軍於龍湖山令參戎王懋官督之長甯高珙諸縣俱獲安全環瀘



部夷命官招之下昏材數百家降撫之以恩捐俸給犒調居馬邊諸路懷德畏威俾侵地復歸部屬黃螂磨波諸夷無復南患上下諸塞都蠻令反故土深慮閭閻蕭條蘇其力役多所蠲免士民建祠刻石以祀之採楊楷撰德政碑

鄭晃 江南通志字晦之祁門人領鄉舉任曹州學正轉馬湖同知討平芒部叛蠻

以上武略

宋張實楊立 舊通志實為馬湖守將為元勳將所獲遣招苦竹隘實入隘遂與守將楊立堅守元

敘州府志

卷二十九

宦蹟

矣

屏山

兵攻隘取之立戰死獲實殺之

明陳冊 江南通志字用卿金壇人崇禎六年授四川甯番經歷署屏山縣事流寇破城罵賊死並通志

皇朝王新運 泥溪巡檢崇正時獻賊至新運率弓兵十餘人遽與之戰被擒罵賊而死

王敬公 山東進士康熙五年任知縣六年建縣治夷人陳奎之亂迎戰東關射死賊首鄒學賢身中五箭

康占彪 萬全營守備咸豐三年堵夷匪陣亡  
楊登階 萬全營守備咸豐九年在西陽州陣亡



宋朝聯 萬全營把總咸豐五年在貴州陣亡

陳建勳 萬全營額外咸豐九年在本府陣亡

黃廷超 平安營千總貴州陣亡

劉紹武 平安營外委貴州陣亡

劉文魁 平安營額外貴州陣亡

以上忠節

馬邊廳

明汪 京 字佳山襄陽鄉進士由夔州別駕擢知興安州萬曆十七年征賦夷轉餉軍中多贊畫功蕩平後設安邊同知晉秩四品服俸首蒞邊任籌辦善後

敘州府志

卷二十九

宦蹟

全

馬邊

事宜如崇修學宮祠廟公署城堡平治道路橋梁纍纍善政為開任賢守邊民至今德之通志

皇朝韓萊曾 江蘇長洲縣舉人由內江縣知縣陞補馬

邊通判乾隆三十一年到任清丈邊地業教民播種

明安圖 繙繹生員任馬邊通判嚴正無私留心民

莫值金川軍務當事派邊糧米若干乃備陳地方瘠

苦情狀所出雜糧不堪充餉因得豁免民賴以安通志

魏廷觀 直隸趙州柏鄉縣人由貢生捐知州乾隆

四十年署馬邊任請設學開考先是邊荒初墾未即

設學既因屏山遠隔應試者每苦跋涉歷經申詳俱



駁不准及廷覲復爲力請得蒙奏准廳之士民尤爲感戴不忘

魯華祝 初名河字肇麟江西新城人癸未進士乾隆四十七年任馬邊通判有幹濟才令民墾種黑河等地凡惠民興學之事靡不修舉後升潼川府知府

通志

周斯才 江蘇江甯府上元縣人由附監生考取臚錄議敘州同於嘉慶四年檢發入川六年十二月署任七年峩眉雷波夷人滋擾親赴煙峰一帶防堵八年夷人侵犯後營岡外鄉修理城垣督率防守稟請

敘州府志

卷二十九

宦蹟

余

馬邊

救援會各憲據情入告派鎮道帶兵查辦自春正迄杪秋凡九閱月甫經歲事在任四年撫綏漢夷勸課農桑地方屢獲豐收民情得以安堵修文昌宮建柔遠堡卡暨公署修理城垣監獄編輯馬邊志略六卷

以上政績

皇朝孟 端 山西三韓進士乾隆二十九年任永甯道奉制憲阿檄委臨邊勘丈煙峰迴龍大竹等處地方招墾荒地時草昧初開躬履險阻陟岡度隰備極辛勤計口授田分疆畫井留邊數月民至今蒙樂利焉

哈廷梁 陝西武狀元乾隆二十九年任普安營參



將奉大府檄同永甯孟觀察查勘馬邊夷界躬親跋涉瘴雨蠻煙率先衝突迄今民多感頌

李永祺 乾隆四十八年任松茂道奉檄臨邊審辦夷案留駐月餘鋤暴安良民多稱頌

劉晉堂 山西洪洞縣人乾隆四十八年任永甯道奉制府檄委臨邊勘丈煙峰荒地清釐漢夷界址疆域劃然民無混越所以杜漸防微絕構衅之端者無不周且備焉

余延良 字純菴浙江諸暨人貢生嘉慶七年任川南永甯道分巡敘瀘資駐劄瀘州八年夷務親帶壯

永甯府志

卷二十九

宦蹟

完

馬邊

勇按臨邊地督率一切撫綏難民籌建堡卡留駐四月有餘地方士民至今感頌

方積 號有堂安徽定遠拔貢以軍功授建昌道嘉慶八年夷務奏請按臨駐劄邊地四月有餘查辦夷情撫綏流亡運籌一切卒成韜兵戡事之功前後方略章奏皆出其手地方士民至今以為深感十二年陞授四川按察使司

張志林 四川綿州人嘉慶八年任建昌鎮值馬邊番夷擾境督兵按臨留駐四月有餘夷人震攝聲威邊地士民至今稱頌



以上武略

皇朝李宏鑒 康熙年間以將備征吳逆餘黨不憚况瘁直逼窮寇於馬邊深箐中意欲盡殄醜類單車誤入為賊所陷贈都督僉事

特賜祭葬墓在廳黃茅岡按廳志係三韓人其姪文獻為馬湖知府為立碣通志入人物門誤

右忠節

馬邊營出師陣亡弁兵 楊廷英 額外安岳人 王洪順

守備達縣人 李迎春 昭化人 何得勝 昭化人 徐天九 秀山人 楊

明超 把總松潘人 王元臣 達縣人 賴朝欽 內江人 王紹舉 渠縣人

敘州府志 卷二十九

宦蹟

卒

馬邊 雷波

人周占彪 達縣人 周玉 成都人 劉春 成都人 周南 名山人

張青元 溫江人 陳萬春 金堂人 王榮陞 仁壽人 賈正發 綿州人

人○並 營册 按本廳人充營兵陣亡者俱入人士類

雷波廳

皇朝胡 漪 江西廬陵人雍正八年任衛守備歷十三

載令民開墾田疇教以播種北關外龍洞泉水先向西溝直下鳩工於後山疏鑿水道由城中流出灌田

千百頃至今民享其利

楊道國 河南河內監生乾隆二十六年任通判維

時百度草創不憚勤勞次第經理規模粗具後來者



幸有所遵循焉

富森保 滿洲鑲黃旗生員乾隆五十二年任通判  
潔已愛民興利除弊嘗捐數千金修關帝廟火神祠  
及迴波亭閣皆不取於民民咸德之

方懷萱 安徽桐城舉人嘉慶三年任通判時雷波  
建廳已久未立學校歷任通判稟請設學均未允行  
懷萱乃捐廉集貲修建文廟凡涉學校之事力爲整  
頓人民欣欣向學乃具稟力請開學至九年部議始  
允准廳之有學實賴其力也

陸成本 字畫村浙江蕭山副貢嘉慶二十三年由

敘州府志

卷二十九

宦蹟

左

雷波

宜賓縣調署通判首培學校創建書院並置產以爲  
延師及膏火之資遇有好學者親爲講授士爭濯磨  
成材者眾又於城內設養濟院城外設棲流所日以  
錢米周卹窮黎聽斷持平無所偏倚常以忠孝事教  
誨百姓聞者感化去之日父老攀輿泣送至今猶謳  
思不輟

劉耀庚 字申甫河南項城拔貢道光十七年自慶  
符縣調署通判下車值夷匪大亂提督余步雲齊慎  
統兵進勦三月卽受降去耀庚以夷氛日惡非大創  
之則邊患無已時乃建議四條呈大府請四邊會勦



改土歸流爲一勞永逸之計事未允行耀庚乃因事制宜以防爲勦募鄉勇千八百人並普安營兵分防各要隘出入邀擊連破其大股又命鄉勇通夷語者混入夷巢摸拏殺賊斬馘無算夷匪畏懼相率投誠悉心籌辦善後稟請添設三稜岡馬頸子黑角羅三溪各營汛又請欵改建石城一切如議耀庚負邊材長於政事籌畫布置悉合機宜當建營汛時芒鞋竹杖行山徑中周察險隘不畏勞苦其築城堡建衙署修兵房材木瓦石皆取諸深山頗形艱阻耀庚親往相度隨地取材民不罷勞大功告竣沿邊百餘里防

禦綦嚴事平後力培文教置買學田以作歲科兩試公費文武童應試卷結費皆取於此在任五年民愛之如慈父母後升綿州知州百姓感其德建祠以祀至今歌祝不衰

張擴廷 直隸南皮進士道光二十三年任通判博雅能文嘉惠士類以邊地好學者鮮見質性明敏者必多方獎勵之凡經其指授爲文皆可觀一時人材成就者甚眾

陳長壩 廣東揭陽拔貢道光二十八年任通判慈惠愛民廉潔自守不妄取民間一錢時命人取財於



家以資公用父老感戴今猶頌之

賀洪熙 字世農湖南湘鄉舉人咸豐六年任通判下車之日勤求民隱見邊地苦寒士子每因貧廢學時又值各省軍興徵調繁多夫馬供給皆責保正承辦敲撲追比號泣道路保正亡身破家者甚眾洪熙乃商於紳糧捐募巨款置田業歲收稻穀若干石立軍需膏火局嚴定章程有事則作軍需夫馬無事則爲書院膏火費此後供億往來按章支給而寒賸之士住院肄業者亦稍有所資數十年中間閭安靜文風大啓皆沐其遺澤也

敘州府志

卷二十九

宦蹟

奎

雷波

敖立榜 字蕊生湖北竹溪拔貢咸豐十一年任通判愛士護持甚力月課生童見有能文者必獎勵之暇時輒至書院與諸生論文孜孜不倦諸生亦常入署請業直至臥闈講貫無異嚴師恩誼比於骨肉以此士爭自愛聞風興起一時文教稱極盛焉

李中歟 山東卽墨附生光緒七年任通判聽斷明決嚴而不殘馭下尤謹於繩墨在任一年差役奉公守法不敢妄索規費株連平民無事不敢下鄉騷擾民安其居歌頌不輟

周鳳藻 字介卿湖北咸甯監生光緒八年任通判



諳練邊事洞悉夷情善於駕馭在任四年聽差夷目百餘名按日散給錢米月需酒肉犒賞為費甚鉅皆恣與之不計賠累諸夷悅服咸樂為之用操縱在手邊事帖然數年中地方安靜無事遂興學校賑貧窮設賓興會以濟生童設福善堂以儲稻穀又於西門外添修養濟院以惠孤窮其有造於邊民者非淺鮮也

孫清士 字傑人雲南呈貢進士光緒十三年任通判性慈良耽翰墨公餘吟詩作字手不停揮其悲難民喜雨老農諸作至今猶膾炙人口

敘州府志

卷二十九

宦蹟

雷波

悲難民詩

竹籠破倦鳥飛夷巢疏難民歸長跪詠中心悲形如鳩面如鵠蠻語吾不知土役為

轉述憶昔被擄時父母遭屠戮民時尙嬰孩蠻婦見矜恤衣我以舊裳食我以苞穀多年忘苦辛奔走事黑骨朝汲水暮伐木行稍緩鞭且扑鞭扑無完膚民不能堪竄林谷林深路曲夜行晝伏可憐半月路經月始逃出名雖逃出身何屬生年且不計何况田業與財物姓名不自知何論親戚與邦族我時聞此言安置正無術土役前跪訴願乞難民為散卒回頭語難民難民拜且服昔作蠻家犬今為漢家僕幸為漢家僕民即困苦到老願亦足

戴其璋 江西廬陵監生同治七年任照磨性慈祥與物無忤在官二十年遇地方善舉必力為成就又喜與人排難解紛人多稱頌

鮮于薰 營山舉人嘉慶十年任訓導學問淹博訓



廸有方時廳城未建書院乃於學宮側構屋三間作講堂以訓士子成就甚眾又纂廳志四卷學識兼長因未付剞劂遂致散失良可惜也

卜年 字夢漁巴縣優貢道光三十年任訓導同治四年復任學有本原善於啓廸其在官最久一時士子多出其門教澤留遺人多感戴

何現書 字雲崖廣元舉人同治元年任訓導學問優長矜尙氣節教人以立品爲先不許干預非分見有汲汲謀利者必深斥之然性喜護持善類寒畯多蒙培養

敘州府志

卷二十九

宦蹟

九

雷波

以上政績

皇朝鄂世威 陝西人雍正八年以敘馬營遊擊隨提督黃廷桂征勦雷波夷匪擒渠破隘多著勛勞事平設普安營遊擊卽以世威任之一時安設營汎開創屯田修建公署倉廩均經營妥帖復認真訓練士卒以防夷匪邊民深倚賴之

盛世祥 安徽人道光十九年任叅將幼讀書習章句後乃投筆從戎積階至專閩甫莅任值雷波夷匪肇亂帶兵出防聲威茂著事平會同通判劉耀庚籌辦善後悉合機宜並請設右營馬頸子黑角羅三溪



各營汎爲邊境保障利賴無窮兵民感戴建祠以祀  
鄭元龍 記名提督同治九年署叅將性嚴猛整頓  
邊防講求營制汎弁中有怠惰者懲之不稍假借以  
此弁士奮勉不敢疎防夷匪聞之各皆畏威遠避未  
三月卽去任人咸惜之

蔣繼榮 字富春江南沛縣人光緒七年由安阜都  
司調任叅將智勇足備清廉自矢蒞任後卽裁陋規  
不受屬員餽獻實心整頓營務裁汰老弱招募丁壯  
暇時聚而練之縛沙於足習輕舉便山行鎗礮刀矛  
講求實用不蹈虛樣其所練兵皆能禦侮破敵無游

情之習性耐勞苦每於春秋閱操日步行山徑周察  
險隘雖人迹所不到者亦躬親閱歷以故山川大勢  
如指諸掌籌防悉中肯要夷匪不敢妄動又念邊地  
苦寒營中無蓄積兵士困窮日甚乃樽節設法贖回  
民間所當屯田以備急用在任五年視公事如家事  
盡心辦理毫不營私去之日不名一錢人皆思念不  
置

定 長 字煥之漢軍人光緒十三年調叅將任熟  
悉夷情精敏任事在建昌二十年聲名遠著莅任後  
諸夷畏服邊境清平調任峩邊叅將以勞悴卒



穆德隆 本懋功營千總光緒六年任守備在任一年辦理地方夷務先事彌縫前後捐用數百金無所吝惜去之後人猶頌之

王國英 崇慶州武舉道光十九年任守備十八年帶兵隨征夷匪累立戰功後設普安右營卽以國英任之草創經營勤勞茂著

韋安 華陽人道光二十一年由左營守備調署右營熟於營制訓練有方時值初設營汛修築城垣並建兵房衙署皆認真經理不憚勤勞至今猶蒙其利

敘州府志

卷二十九

宦蹟

七

雷波

盧占鼇 雙流人行伍同治二年任守備勇敢善戰身先士卒遇有夷匪出巢必帶兵邀擊或於夜間獨身縋城而下兵士執刃隨後從之其勇往如此通巢屏息不敢越境爲亂數年之內邊民休息恃若長城楊澤溥 字濟泉貴州畢節舉人同治七年任通判下車值夷匪大亂湘果兩營來雷進勦防禦不力乃稟大府請撤去客軍就地募鄉勇五百人以資防範自此設雷威軍防禦隘口遇有夷警往來策應邊患稍息

王春芳 壁山人行伍光緒八年任守備熟悉夷情



謀畫精密夷巢有事動息皆知每先期以爲之備諸夷中有桀黠好亂者必設法生致之送交雷波廳拘禁管押閒遇零匪竄逸爲亂卽伏兵要隘截其歸路常奪其所擄財物無能脫者夷匪自是斂迹不敢滋事而內地藉以休焉

以上武略

皇朝王如芬 浙江甯波府慈谿人道光十七年任黃螂巡檢夷匪作亂運糧至羊子橋遇害祀昭忠祠

周其祥 武字營守備光緒元年攻負主寨陣亡

向集梧 經武營記名總兵光緒六年在廳境陣亡

敘州府志

卷二十九

宦蹟

矣

雷波

以上忠節

武字營陣亡弁勇 吳立照 呂永和 朱發祥

容得勝 田應有 徐占魁 田應興 劉文

順 李芳 蔣長香 張占超 丁占敖 王文

貴 並在負主寨田家灣等處陣亡

壽字營陣亡弁勇 丁高全 卿祖訓 湯有能

徐聯陞 高宗發 李正貴 呂長順 胡洪

發 王定如 章和高 李洪燾 劉銳夫 任

新泰 呂洪泰 周萬和 胡玉春 曾禮順

李得功 邱有發 譚有勝 李廣益 楊得勝



胡萬洪

王遠高

任孝德

並光緒中征夷匪陣亡

達字營陣亡弁勇

張和保

曾占春

賈保勝

袁占彪

李玉芳

田應有

蕭玉喜

黃玉

林 李廷章

鄧青山

並光緒八年陣亡

敘州府志

卷二十九

宦蹟

九

雷波

林 李廷章

鄧青山

並光緒八年

袁占彪

李玉芳

田應有

蕭玉喜

達字營

陣亡

弁勇

張和保

曾占春

賈保勝

王遠高

任孝德

並光緒中征夷匪陣亡